

Mechan.

249

1578


Mechan. 1810^b

Handh.
768.

CVNRA DI DASYPODII

Wahrhaftige Anführung vnd Beschreibung des Astro- nomischen Uhrwercks zu Straßburg/wel- ches er Anfänglichs Erfunden vnd angeben hat. Auch

Ein Altes Lied vom dem Kampff vñ streyt/so entstanden / Zwischen
dem RORASSELN (welcher vnder der Orglen im Münster
zu Straßburg ist) vnd dem HARTEN / so auff der Alten
Uhren war/ vor 200. Jahren Gedicht.



Sächs.
Landes-
Bibl.

Mecken. Mathemat. 1810. I

812
7926

Handwritten text in a Gothic script, likely a title or header, including a large initial letter 'B'.

Main body of handwritten text in a Gothic script, arranged in several lines, though the text is significantly faded and difficult to read.

Den Edlen / Ehren=
vesten / Hoch / vnd Wolgelehrten/
Fürsichtigen vnd weysen Herren Doctor Johann
Eunrad Meyer Burgenmeyer / Juncker Johann im Thurn/
M. Eunrad Blmer / Henrich Ramsaw / Doctor Cosma
Holzacher / vnd Doctor Benedict Burgawer/
Herren Scholarchis der Statt Schaff=
hausen / seinen insonders großgün=
stigen Herren ꝛc.

Sist ein frag vnder den gelehrten / die
ob sie wol nicht sehr wichtig scheint
sein / so hat sie doch ein gut vnd lustig
bedencken / namlich ob gelehrtere vnd
verstendigere / auch künstlichere leüt /
vor alten zeiten / bey den Juden / Griechen / Röme=
ren / vnd anderen völkern / gewesen seyen / oder
aber jetz zu vnseren zeiten / die jenigen so in guten
freyen künsten sich jetziger zeit üben / vnd gelehrte
künstliche leut seindt vnd geachtet werden / höheres
verstandts vnd geschicklichkeit seyen dann
die alten.

Dann so einer die Bibel vnd heylige Schrifte
liset / wie Gott Moysi befiehlt alle geraydt so zu
dem Priesterthum gehörig / zu machen / haben als
lerhandt künstler daran gearbeyt / die Gott mit
sinnreichem verstand sonderlichen begabt hatt / als
so auch an dem schönen Tempel Salomonis / wels

a ij

ches ein solches zierlich / köstlich / vnd künstlich gebew gewesen / das alle welt sich desselbigen zu verwundern gehabt / vnd noch zu verwunderen ist / wann einer solches lisset. Also seindt bey den Griechischen / Aegyptiern / Römern vil herzliche gewaltige Gebew von steyn / holtz / silber / gold / edelgestein / vnd anderer materi / auff das künstlichest vnd zierlichest gemacht gewesen / das wer da sibet die alte stück so etwann zu Rom / vnd an anderen orten funden werden / sich der kunst sehr zu verwunderen hat.

Dargegen zu vnsern zeitten seind auch vil vnd mancherley herzliche / zierliche / vnd von kunst sehr hoch vnd wolgemachte Gebew / von silber / goldt / stein / edelgesteyn / holtz / vnd was dann mehr sein mag / so auch sonst kunst im bawen / kriegsrüstungen / büchsen / werckzeugen / vnd anders dessen man sich auch zu verwunderen hat / vnd so solche newlichen zu vnserer zeit erfundene kunst / gegen denen gehalten vnd verglichen werden / die man findet bey den alten hoch gehalten sein / als jertz genennet der Tempel zu Hierusalem / vnd der Tempel zu Epheso / vnd die köstliche gebew zu Rom / vñ andere mehr / gegen den Tempeln / so zu Straßburg / zu Wien / zu Florenz / vnd an anderen orten seind / auch andere werck jedes in seiner art mit den anderen würt verglichen / findet sich ein grosser vnterscheidt / also das wol zu fragen ist / welche die
Kunst

Vorrede.

Künstlichsten seyen / die zu vnser zeit gelebt / vnd noch leben / oder aber die gar alten / sonderlichen dieweil es sich ansehen lasset / als dz zu vnsern zeiten vil mehr künstt erfunden seyen / dann die alten gehabt haben / fürnemlichen aber in kriegs rüstungen / in Druckerey / in wasser bewen / in vestungen / in freyen künsten / vnd etlichen handtwercken.

Fürwar so vil mich belanget / halte ichs darfür / vnd verstande dise frag also / das Gott der Allmechtig seine gaben deren vnzalbar seind / wundersbarlichen auß theyle / vnd in vilerley vnaussprechliche weg / auch nicht zu allen zeiten / sonder zu etlichen zeiten / auch nicht auff dis mal alle sampt miteinander / sonder etwan dise gebe / zu der zeit der welt / andere zu anderen zeiten / vñ die selbigen entweders vil vnd vberflüssig / oder gar wenig / also das dieselbigen kaum geachtet werden / vñ solches nach der welt / der zeit / vnd anderer vmbstend / die er in seinem raht fürgenommen hat / gelegenheit.

Dann zu der zeit der Richter / Sauls / vnd Dauidis / hat er herliche gewaltige dapffere kriegsleit geben / die stetige krieg geführt haben / so wol bey den Heyden als bey den Juden. Zu der zeit Salomonis warde ein fridliche zeit / vñ hielt man vil mehr auff weisheit / verstandt vnd klügheit / dann auff kriegs rüstung / vnd was künstlich war / das hielte man hoch. Zu der zeit vnd hernaher waren in Grecia / in Aegypto vil hochgelehrte versters

Dige leüt/die alle künſt herfür ſuchten/vnnd nichts dahinden lieſſen was verborzen war/das ſie nicht vnderſtänden zu erkundigen.

Nach ſolchem haben die Römer groſſe krieg geführt / waren widerumb die hoch geachtet/welche zu dem ſtreyt tauglich/vnd dapffere Menner waren / biß zu der zeit Ciceronis / da die Lateiniſche ſprach in groſſem wertht war/ auch alle künſt widerumb an tag gebracht / alſo das zu jeder zeit ſich befunden hat/ war ſein / das Ariſtoteles ſchreibt/ die güten künſt haben ihren wandel / zu einer zeit zu der anderē. Dañ ſpricht er/ es kompt ein zeyt dz die künſt herfür brechen vnd hochgeachtet ſeindt/ dargegen ſo gehn ſie wider vnder/vnd ſeindt nicht mehr geehrt wie ſie wol wehrt ſeindt / welches zwar zu beweifen wol möglich/ wann einer durch weitleuſſigkeit wolte ſolches beſchreiben/ das doch mein vorhaben auff diß malen gar nicht / ſondern allein ſag ich dz ſolches zu vnſerer zeit auch geſchehe/vnd meniglichen vor augen ſicht/das wir auch gelehrte vnd verſtändige leüt haben/ ſo wol als die alten gehabt haben/vnd aber ob mehr künſt vnnd künſtliche leüt ſeyen zu vnſerer zeit/ als zu den alten zeiten / das iſt vngewiß.

Dieweil keiner iſt der ein wiſſens habe was für künſt/vnd wie vil künſt/die alten gehabt haben/ dz iſt aber bewußt denen ſo die Historias/Poetas/vñ Philoſophos leſen/ dz vil künſt vnder gangē ſeyē/
die

die heutigs tags vnbebandt seind / vnnnd das newe
 künst erfunden / deren kein wissens die alten gehabt
 haben zu vermütlichen / etliche künst aber seind bey
 den alten hoch gehalten gewesen / die auch heutigs
 tags nicht gering / sonder künstlich vnnnd sinnreich /
 geschetzt seindt / als die artes liberales vnnnd disciplinae
 mathematicae, auch ettliche handtwerck / die nit ab-
 gehn / sondern gar breuchlich vnnnd nützlich

Dann zu zeiten Aristotelis vnnnd Platonis / hat
 man vberflus gehabt gelehrter vnnnd künstliche leut /
 so auch zu vnserer zeit von Anno 1500 bis auff den
 heutigen tag / ist in Italia / Franckreich / Teutsch-
 land kein mangel gewesen an gelehrte leute / vnn künst-
 stler / in alle dem so künstlich genehet mag werden.

Zu zeiten des Keyfers Augusti / zuuor vnnnd her-
 naher / waren vil vnnnd mancherley künstler in was-
 serbeuwen / in kriegsrüstungē / in Vhrenwercken /
 vnn mit allerhandt gewicht / radderen / vnn dergleis-
 chen wunderbaren wercken zu machen / also dz ett-
 liche vil bücher darvon geschriben habē / wie Athes-
 neus. Ctesibius / Heron vnnnd andere. Zu diser vns-
 serer zeiten haben wir socher künstler vil in allen ort-
 ten / Teutsch vnnnd Welschlanden.

Derhalben darauf endtlich zu schliessen ist / das
 kein vnderscheid ist welche gelehrter od künstlicher
 gewesen seyen / die alten od aber die so zu vnser zeit
 leben / doch ettliche aufgenommen die bey den alten
 hoch

hoch geehrt gewesen/aber im abgang kommen/andere aber kunst auffgangen/vnd an jr statt gesetzt/in den anderen so dazumal vnd jezunder bekandt/geht es auff vnd nider/wie zu sagen ist vnder vilen anderen die Arzney/die Astronomey/vnd derselbigen zu gethanen handtwercken genent mögen werden.

Archymedes hat ein grosse kugel gemacht/dieselbige in Cristall eingeschlossen/darinnen er zeigt aller sternenn/lauff vn̄ bewegnuß/das ein sonderlich wunderwerck was/Heron Alexandrinus hat ein künstlich vhrwerck gemacht durch den tryb des wassers. Archimedes macht vil vnd mancherley kriegsrüstung on zahl. Heron macht durch bläst vnd wasser/durch redder/vil seltsame wunderwerck/solche leüt findet man heutigs tags an allen ortē/die künstliche vhrwerck/wasserwerck/kriegsrüstung/gebew/vestungen/vnd andere wunderliche werck künstlich machen können/so wol als die alten/jedoch etlich vil stück seind die wir den alten nach nicht nach gethan haben/etliche so weit gebracht das sie sich der alten wercken wol vergleichen mögen.

Will zu einem Exempel nehmen des Archimedis Christallen kugel/darinnen er gemacht hat mit sonderlicher künst/alle bewegnuß vnd lauff der Sonnen/des mons/der Planeten/ja des ganzen firmaments/das sonder zweiffel vber alle künstliche

stliche

Stliche werck gewesen ist/hab auch nie verstanden
das dergleichen hernaher gemacht seye worden/
aber das etliche solches nachzuthun vnderstanden
haben/ist glaublich/so auch mit wasserwerck / bläs-
stē/mit redderē hat Heron wunderweck gemacht/
so findet man zu vnserer zeit auch die solche künst
künden / sonderlichen mit vhrwercken das ein alte
kunst gewesen/vnd vor Christi geburt im brauch.

Aber ob vnserer Handtwercks leüt so künstlich
seyen als der Heron/Archimedes vnd andere/das
ist gar nicht zu zugeben / dann dise seindt gelehrte
vnd in allen künsten erfarnē leut gewesen/nicht al-
lein in dem das sey solche künstliche werck erfundē/
angeben vnd selbers gemacht vñ auffgericht / son-
dern auch den grundt vnd die demonstrationes al-
ler vnd jeder werck / augenscheynlich auß den Di-
sciplinis Mathematicis herfür gebracht/vnd darge-
than haben/vnd derhalben Philosophi vnd Mathe-
matici genennet/ wa sie aber der selben gemanglet/
weren sie schlechte handtwercks leüt gebliben.

Der halben sag ich das vnserer Vhrenmacher vñ
Handtwercks leüt/ mit so künstlich seyē/ als die altē
Mechanici Mathematici/dieweil sie denselbigen noch
nicht in artibus & disciplinis nachgethan haben / vñ
wie sie selbst bekennen müssen/ so manglet es inen
an disem / vnd können nichts weyters/dan was jr
Handtwerck vermag/habē nicht sich geübet/nach
auch etwas erfahren in Geometria / Arithmetica/

Vorteb:

Astronomia / vnd in der ganzen Philosophey / in
welchen allen wie jetz gemeldet Archimedes / He-
von / auch andere ganz wol erfahre gewesen seindt /
vnd was die vnseren handtwerck's leut in disen
vnd anderen erlernen haben von ihren meisteren /
das haben sie vn̄ ihre meyster von den Mathematicis
vnd Philosophis / welches zu beweisen nicht
von nöten / dieweil maniglich den ein wissens
hat / dan die so zu vnserer zeit Uhrmacher seindt /
vnd genennet werden / seind der Lateinisch sprach
(will der Griechischen geschweygen) ganz vner-
faren / verstehn sich auch nichts in den Philolophicis
artibus, ettliche vnder inen können schwerlich schrei-
ben vnd lesen / gib aber zu so sie in sprachen vn̄ frey-
en kunsten erfahren / das sie den Eltsten Uhr-
machern gleich zu achten wehren / aber auff disma-
len haben sie nichts anders / weder ettliche aufle-
gung der Astronomischen schrifften / so vil inen zu
ihren handtwerck nottwendig / vnd ihre meyster
von den Mathematicis erlernen vn̄ ihnen als lehr-
jungen hernaher fürgeben haben / ohn einige De-
monstration auß dem Ptolemæo, Euclide, Theone,
Theodosio, vnd anderen genommen.

Wie dan die alten vor vnserer zeyt Uhrmacher
solche stück erlernen haben von dem Georgio Peur-
bachio, Ioanne Montereio, vn̄ anderen derselbigem
zeyt Mathematicis, also auch jetzunder vor kürzen
Jaren von dem Schonero, Apiano, Imfero, Homelio
vnd.

Vnd vilen anderen mehr/ die kurtz vor diser zeyt gelebt/ von welchen solche Vhrenmacher/ vnnnd wie sie sagen Kunstler den rechten grund ihrer kunst geschepfft haben/ denen sey auch billich danckē sollen/ mehr dan dē Archimedi von den seinen gedanck ist. Dann sie in für nichts hielten/ vnnnd nach irem grosben verstandt/ vermeinten die arbeit so sie an holtz/ steyn/ eysen/ goldt/ silber/ vnnnd dergleichen theten/ solte höher geachtet sein als des Archimedis sinnreiche künstliche erfindung aller wunderbaren wercken die er angeben hatt/ auch zum theil selbers gearbeitet/ da doch das gogentheil sein solte/ namlich die freyen künsten/ als die mehr sinn vñ gedancken haben/ vnd zu allen zeiten höherem verstand erforderen/ in grösserem werth halten/ als die arbeit so mit der handt geschicht mit holtz/ steyn/ eysen vmbgehn/ das vil ehe erlernet ist/ dann solche kunst davon gemeldet/ vnd thun gar törig die jenigen so solche handtwerck wollen denē künsten fürsetzē/ auch höher haltē/ welche liberales artes, geneñet werden.

Aber solches geschicht von leuten/ die kein verstandt nach wissens haben/ was die artes vnnnd disciplinē seind/ vnd vermeinen dieweil sie groß arbeit thün in iren handtwerck/ so sollen sie auch groß gehalten werden / da doch mehr an sinnreichen verstand in erfindung vnd erlernung der freyē künsten gelegen/ on welche solche handtwercks leüt nichts künden aufrichten/ sonderen müssen von inē erlern

nen / vnd wann sie das a b c in solchen künsten er-
greiffen / so vermeine solche / sie habē die kunst gantz
vnd gar / vnd vberheben sich solcher erfarnuß / da
doch zwischen der erfarnuß vnd den disciplinis ein
grosser vnderscheidt ist / vnd die disciplinae experis
entiam weyt vbertreffen.

Aber dis ist jeder zeit der welt lauff gewesen / dz
vngleiche vrtheil gefallē seind von allen denē sachen
so offentlichen vnder dē leüten fürgehn / vñ besche-
hen / nicht allein in dem / das die artes liberales, von
vnerfaren / vngelehrten leüten geringer geachtet /
auch die jenigen so ihre arbeyt an tag kommen vnd
māniglichen sehen lassen / müssen zugeben dz sey vñ
ihre arbeit von jederman gerichtet werden / dan
wer an die gassen vnd offne strassen bauwet / der
müß sein arbeit von vilen richten lassen.

Wie dann vns auch geschicht die wir das Astro-
nomisch Uhrwerck in dē Münster zu Straßburg
gemacht haben / welches dieweil es an eynem off-
nen ort steht / so sehen solches gelehrte vñ vngelehr-
te / verstendige vnd vnverstendige die so vns gün-
stig seind / vnd vns auch vngünstig / die so solche vn-
sere arbeyt hoch halten vnd rhümen / vnd auch die
so vns / vnd vnser grosse gehabte mühe vnd arbeit
verlachen vnd verspotten.

Ettliche haben mangel an den gemäldten / ettli-
che an hülzen vnd eysen auch steynwerck / andere
seindt die verlachen das Hanen geschrey als dz sol-
ches

ches in keyn tempel gehörig / Es seindt auch eintheils welche vermeinen / das an der erfündung / an ordnung vnd auftheilung des ganzen werck's / vil solte von anfang anders gemacht sein / vnnnd daran gebessert werden.

Was nun die anderen Handtwerck'sleüt so daran gearbeitet belanget / auch ihre arbeyt selbs berühret / die laß ich das jr verantwortē / als vil aber mein Person antrifft / laß ich mich solche reden gar nichts anfechten oder bekümmern / dz ettliche vnser verstandige vil daran tadlen.

Dan ein theil mehr auß vnuerstand dan vngunst solches fürgebē / die bey vnserē anfänglichhs beschehenē rathschlag nicht gewesen / vn̄ den selben nicht verstehn / ettliche auß bösem bericht / den sie von etlichen leütern empfahen / aber das andertheil thüt solches auß mißgunst. Dieselbigen laß ich in ihrem neydt / haß / vnd mißgunst bleiben / vnnnd gibts ihren grobē vnuerstand zu / vernügt mich das ein Ersamer Rath der Statt Straßburg / meine genädige gebietende Herren / ein güt vernügen vnd gefallen haben an meynen arbeyt / denen ich von wegen vndertheniglichen pflichten zugefallen gewesen bin / vn̄ solches werck wie der augeschein mit bringt anfänglichhen ehe dann ein steyn od̄ ein ryz gemacht worden ist / auff obgemelter meiner G. G. H. befehlch angeben / vn̄ auffgerissen für die augen gestellet hab.

Wie ich dan solches mit meinen G. G. H. Pfleß-
 gern / auch der Ehrenuesten Hochgelehrte Herzen
 Doctorum D. Laurentij Tuppij. D. Michaelis Beuthe-
 ri vnd Herzen Hilarij Meyers des Notarij / auch an-
 derer Ehren leut warhafftige zeügnuß beweyset
 kan / auch nicht allein mit solcher Ehren vester
 Hochgelehrten zügnussen / sondern auch mit der
 verschreibung vñ dem abryß selbst so noch verhan-
 den zu dem mit meinem ersten concept / welches ich
 dazumal gestellet vnd zu einer zeugnuß wie andere
 zu disem werck gehörige schrifften hinder mir be-
 halt / die jenigen so die leut anders berichten zu vber-
 zeugen.

Aber denen muß ich begegnen die da vermeynen
 es hette an erfündung anordnung vñd auftheilung
 dis ganzen wercks vil köndē verbessert seyn.
 Solche leüt betrachten in jnen selbst ob es jnē müß-
 glich seye in den aller ersten erfündung vñd ange-
 bung eines Astronomischen Uhrwercks / alles der-
 massen erfunden anorden vnd aufteylen / das kein
 fehl oder mangel daran zu finden were.

Sag derhalben wie das Griechisch sprichwort
 lautet / den jenigen so ettwz künstlichs anfänglichs
 erfunden angeben vnd anordnen / ob sie schon nicht
 alles so eben wol verrichten / wie solches hernacher
 im werck sich erst befündet / ist zu gut zuhalten
 vnd für die erste erfündung vñd anleytung mehr
 zu dancken dan das man vil daran sey tadlē wolte.

Auch

Vorred.

Auch seyndt vil vnd mancherley hinderuß für
gefallen/ in der zeyt da solches Astronomisch Uhr-
werck auff vnd angerichtet worden/ welche zum
theil vilen bewust/ zum theyllich bey mir behaltet/
vnd vnnötig alhie zu erzalen.

Aber es ist in disem wie in anderer mehr sachen/
vnd wie gemeynlich gesagt würdt Inuentis facile est
& plura & meliora addere. welches zwar nun vil
vnder den meyster klüglin jnen zu nutz machen/ ich
weiß mich wol zu erinnern das anfänglich gar
wenig gewesen/ die da verstanden hetten/ was für
ein gestalt oder form dises Uhrenwerck bekommen
würde/ auch die selbst daran gearbeytet haben/
will geschweygen. / das die so nicht bey solcher ar-
beyt gewesen/ sich grosser künst/ jertzund da solches
werck vor augen steht rühmen solten oder wolten/
Sonderlichen der stück/ welche die höchsten künst-
stlichsten vnd vornembsten seind / vnd daher nicht
ein schlecht sonder Astronomisch Uhrwerck genen-
net wird.

Damit aber meniglichen berichtet würde / was
die fürnembsten Hauptstück in disem Astronomis-
schen Uhrwerck seyen/ so will ich die selbig mit kurz-
zen Worten erzelen.

Erstlich so ist der Globus Astronomicus oder die
Kugel mit seyner aufsteylung vnd anordnung auch
seyner bewegnuß vnd lauff / mit den declinationi-
bus, longitudinibus, latitudinibus stellarum mit den
Zonis, climatibus, parallelis &c. Zum

Vorrede.

Zum anderen die aufrechnung der finsternissen
Son vnd Mons auff 32 künstigen Jhar in den
zweyen tafflen beschriben/ vnd auff das fleissigst
aufgerechnet auff Jar monat / tag / stund vnd mi-
nuten nach dem Calculo Alphonino, auff welche
solche finsternus in künstigen jarē beschehē werde.

Zum dritten die aufrechnung der mittel vñ groß-
sen scheiben/ mit aller ihrer zugehör welche auff 100
Jar aufgerechnet ist / vñ darbey ein landtassel des
Teutschland / aber in sonders des Rheinstroms
mit einer abconterfehntung der Statt Straßburg.

Zum vierdten die aufteylung der Melodeyen/
der Psalmen/ so auff den Cymbalē gehört werden/
welche mein Collega M. David auß den Musicis &
Harmonicis institutionibus künstlich herfürbracht
vñ angerichtet hat/ welches keinem Ohrenmacher
möglich ist anzurichten/ er seye dan gelehrt vnd in
Musicis wol erfahren.

Zum lesten alles was zu einer zierdt diß wercks
auß der Bibel/ auß den scriptis Philosophorum, Poë-
tarum, & historiarum genommen ist / neben des As-
trolabiij künstliche aufteylung / vnd der Sonnen/
vhr/ so außwendig an dem gäbel oben auß gesehen
werden.

Solcher stuck so jetz erzelt kan sich kein handt-
wercksman der daran gearbeyt rhümen / das er
solche anfenglichen erfunden vnd angeben habe/
sonderu allein dessen solle sich ein jeder rhümen / dz
er in

er in seinem Handtwerck so er gelernet / seynem vermögen nach ernstlichen fleiß gethan / vnd dahin gesehen auch getrachtet habe / dahin ich vnd mein Collega auch gesehen haben / Namlich das dieses Astronomisch Uhrwerck auffgerichtet würde / dem Tempel zu einer zierdt / Einer Löblichen Statt Straßburg zu rhum / auch maniglichen so solches sihet zu verwunderung / vnd vnserer Posteritet oder nachkömlichen zu ehren / zu letzt vnserer selbst lang werender gedechtnuß.

Also sag ich / hat sich ein jeder vnder vns allen so daran gearbeyt zu ruhmen / aber vnderschiedlich ein jeder nach seynem standt / nach seynen kunst / nach seiner Handtarbeyt / vnd nicht weyers.

Dan wie ohn mich vnd M. David den Handtwercks leütten vnmüglich gewesen / dieses Astronomisch Uhrwerck mit allen den Hauptstückten so jetzt erzelt zu machen vñ auß zuführen / also hergegen so ist auch vns beyden nicht müglichen gewesen / vnserer außrechnung / außtheilung vnd anordnung in das werck zu volziehen / on hilff / beystandt vnd Handtarbeyt der Handtwercks leüten. Solle derhalben ein jeder vnder vns / seines rhums vnd seiner ehren die ihme gebürt sich benügen lassen.

Diß hab ich ettwas weytleiffiger außführen müssen / dieweil vil vnd mancherley reden gangen von diesem Astronomischen Uhrwerck / vñ deren so ihr trewliche vnd fleißige arbeyt daran gethan / wie

wol ich billich imperiis secundum ipsorum imperi-
tiam geantwurt solte haben / aber ich gib solches
ihrem groben vnverstandt zu / vñnd was mir von
solchen vnfrüntlicher vñndanckbarlicher weyß bege-
gnet / mehr zu güten dan zum argen auflegen / vñnd
nicht desto weniger mich bey mäniglich verant-
worten / in wahrhaftiger beschreibung aller deren
sachen so zu diesem Astronomisch Vhrwerck gehö-
rig / vñnd vergangner zeyt verlossen haben / jedoch
darbey wie oben gemeldt bedencken / das einem je-
den frey von der sachen so offentlich vor augen
stehn vhrtheylen noch seinem verstandt / doch so
sehr kein neyd / haß / spott vñnd misgunst darunder
lauffe.

Damit aber mäniglichen ein grundlichen bez-
richt hette / was in diesem ganzen Astronomischen
Vhrwerck zusehen sey / vñnd was darinnen begriffen /
so hab ich auff bitt vñnd beger vñnd anmanung etli-
cher meynen großgünstigen Herren vñnd freunden /
das ganze Astronomische Vhrenwerck durch auß-
wöllen von stuck zu stuck / auflegen vñnd erklären.

Welche auflegung vñnd beschreibung ich Ewer
Herzlichkeit vñnd gunsten habe wollen zuschreiben /
dieweil auß der Statt Schaffhausen burger vñnd
burgers kinder daran gearbeitet haben / nämlich
Tobias Stimmer / vñnd Josias Stimmer gebrü-
der beyde Maler / Isaac Habrecht / vñnd Josias
Habrecht gebrüder die Vhrenmacher / welchen als
len

Vorred.

len ihr rhum vnd ehz billich gegeben soll werden/ so vil ihnen für ihre gehabte fleysß mühe vnnnd arbeyt/ auch getrewe dienst einem jeden in seinem handwerck gebüret. Vnd von wegen dieser vieren eyner loblichen Statt Schaffhausen vnd ihrer burger rhum vnd ehz nicht vergessen sein soll das sie solche Burger hat/ die in künstlichen arbeyten vnd rhumlichen wercken sich gebrauchen lassen.

Fürnemlichen aber hab ich mich wollen danckbar erzeygen gegen K. S. vnd G. für die vilfaltige gütthaten die K. S. vnd G. mir vnnnd den meinen erzeigt hat/ vnnnd mit disem schreyben ein gemein Löbliche Statt Schaffhausen ehren/ dz sie nicht wenig zu solchem loblichen werck mit disen vier olgenanten Burgeren gethan hat. Bitt solches mein schreibens gnädiglichen vnd günstiglichen auff vn̄n annemen/ mich vnd meine geringe dienst jederzeit ewer herlichkeit vnnnd gunsten

befehlend. Datum den 11 tag

Maij. 1580.

Straßburg.

K. Herligkeyt vnd G.

Dienstwilliger

Cunradus Dasypodius
Mathematicus.

APOLLO TELO ARMATVS
AD SPECTATORES MA-
CHINAE ASTRONOMICAE IN TEM-
plo Reipub. Argentoratensis.

Rodere si verum sum creditus augur Apollo,
P Oraculisque & sortibus:
Reddere nunc sortes oracula Dodonæis,
Heic veriora credite.

Qui regit hanc molem, non laus tribuenda Magistro est:
Tanquam repertori vasro.

Posteritas norit, dicatque voluminis huius
Inuentor est DASYPODIVS.

Quanto Maiores hic exant lassè labores.
Compertus est pro patria:

Argentina ipsi socioque rependere tantò
Maiora debet præmia.

VRANIA MVSA
Ad Senatum populumque Argentinensem.

Quod viuunt heic cuncta, quod heic & cuncta mouentur
Non opus hoc teretum præstitit artificum. (tur.
Inuentor CVNRADVS, & hos animauit, & illa:
Vfus ad hos socia Daudis arte sui.

In quos grata caue minus Argentina feraris.

Nam meruit dignus præmia digna labor.

En rigidis telis alioqui armatus & arcu.

Sæuior ingratis iactat Apollo minas.

Iactat & ipsa minas Diana: quid obsecro præstat.

Iratos merito pertinuisse deos?

Paulus Melissus Francus Poëta Laureatus.

Warhafftige Außlegung des Astronomischen Straßburgischen Uhrwercks.

Von dem alten Uhrwerck vnd desselbigen abgang.

Das Erste Capitel:

Die Uhren so mit gewicht vnd reds deren angerichtet werden / zu anzeigung der stunden vnnnd der bewegung son vnd Mons / seindt vor gar alten zeyten im gang gewesen / vnd hat man solche allzeit sehr geehrt / wie solches zu bezeugen ist / mit vilen in vilen Länderen uhren / also das solche so gemein worden / das nicht allein in grossen Stetten stattliche vnnnd namhafftige Uhren auffgericht befunden werden / sondern auch in flecken vnd Dörfferen.

Zu dem so hat Heron Alexandrinus vnnnd vor im Archimedes / vnd vor denen andere mechanic mathematici, das redderwerck / die gewicht / maß / vnd was dergleichen / also beschriben / auch in das werck gericht an uhren / an wasserbewen / an anderē dergleichen wercken / das solches handtwerck der gar alten eins ist / vnd nicht newlich erfunden / sonder allein mehr geziert / vnnnd auff Archimedis kunst fürgebracht / wie dann die hoch vnd wolgelehrten Imserus / Hommelius / Apianus / vnnnd andere zu vnser zeit Mathematici solche herrliche Astronomische uhrwerck gemacht haben / die sich

U

des Archimedis Kunst nahe zutreffen / auch seind vil dises handtwercks gewesen / vnd noch / die von den Mathematicis solche Kunst empfangen / vnd ihren nachkommen verlassen haben. Derhalb also dise Kunst gemein worden von tag zu tag / das vil seind die grosse vnd kleine vhren machen / auff vil vnd mancherley art / etliche künstlicher / als die anderen.

Es werden aber die alten Vhren zu mehrertheil befunden auff Rathhousen / oder aber in den Tempeln / wie dann hin vnd wider durch Frankreich / Italien vnd Niderlanden auch Teutschland zu sehen ist. Also ist auch allhie zu Straßburg in dem Münster ein alt Uhrwerck gestanden / das wie ichs in der gar alten Chronica so auff vnser Frauenhaus versorgt wirt / geläsen / als dises Astronomisch Uhrwerck habe angefangen / welches 200 Jahr vngefar vor dem dises jetzigen neues an die statt gemacht ist worden / gestanden ist / welches wie leichtlich abzunehmen gar in abgang vor vilen Jahren kommen ist / vnd ist das ganze werck oder geheuß nicht von steynē wie dises sonder von holtz gemacht gewesen.

Dasselbige Uhrwerck hab ich ganz fleissig besichtigt / was vnd wie vil stück es gehabt habe / vnd befunden erstlich vnden auff dem boden Calendarium generale wie gebreuchlich gewesen auff holtz vnd anderer materi beschriben / darinnen die

Festa

Festa mobilia mitt anderer zu gehör verzeychnet waren / dz ich mit meynem Protocoll bezeügte kan / welches zum Jahr einmahlen herumgangen ist / auch ist darbey ein tassel auffgehendt in welcher der siben Planeten eygenschaft rheimens weiß geschriben gewesen / welche noch vorhanden seyn soll.

Sum andern auff dem mitler boden / ist ein Astro labium abgerissen mit Son vnd Mons zeygeren / auch die stunden vñ halbe stunden angezeigt / auff diesem boden ist auch das redderwerck gestanden / welches also von ält vñnd rost verderbt / das es ganz vñnd gar vntauglich zubrauchen befunden war.

Sum dritten / auff dem obersten boden ist ein runde aufladung gewesen / darauff ein rad gemacht ward / auff welchem die drey König stunden / vñnd ein Maria bild von holtz geschnizlet / vor welchem sie sich bucketen wann das ober Uhrwerck so dazu gemacht war gienge. Dasselbige Kleyne Uhrwerck hat auch Cimbalen getriben / welche auff etliche gesäng gerichtet / auch am ende der selbigen / vñnd zu anderen zeyten der Hañ zu krägen pflegte.

Dise fürnembste stück vñnd nichts mehr hab ich in dem alten Uhrwerck befunden / welches gegen dem jezigen vbergestandē ist / an dem eck wie man sich wendet in die Kirch hinein gegen dem Chorz vber.

Von diesem werck haben wir ganz vnd gar nichts können haben / von wegen des / das alles zu vil alt vnd rostig war / vnd in auffersten abgang kommen / aufgenommen der alte Götter oder Han / welcher sehr alt / namlich vber die 200 Jahr alt ist / vnd zu der selbigen zeit auch ein selzam wunder ding gewesen / das ein Han also fragen sollte / welches bezeugt ein gar altes lied von dem Hanen im Münster vnd dem Rhoraffen / in welchem der Rhoraff als der älter ist gewesen / sich beklagt / es lauffe im niemands mehr zu / ihn vnd sein thün das dazumalen auff gewisse tag breuchlich war zu sehen / sonderen jederman lauffe zu diesem Hanen / vnd wolle sein Hanengeschrey hören.

Auch wurd der streyt vnd kampff / so zwischen dem Hanen vñ Roraffen entstanden / dem Scharwechter am Scharwechter hauf / heym gewisen / der solchen kampff vnd streyt hinlegen vnd richten solte.

Dieweyl aber ettliche daran zweyflen / vnd sagen daß diesem nicht also seye / solchen reden zubegeggen / hab ich zu einer beweyfung / vnd überzeugung / solches altes lied / von dem Hanen vñ Rhoraffen gedichtet / am ende diser beschreybung anhängen / vñ von wort zu wort wie das alte Exemplar lautet erzeelen wollen.

Ich will auch setzen / das keyn lied / nie nicht darvon gedichtet were wordē / so kan ich doch solches
bezeug

bezeugen/durch die jenigen/als man in den Hanen auffgethan / erstlich darbey gewesen / dan zu dem selbigen mal hatt sichs befunden / das künstlich werck / vnd der künstliche tryb/dardurch das auffthün der flügel / vnnnd seyn des Hanen geschrey beschicht / welches alles hernaher aufgesübert vnnnd ergänzt worden.

Zu letst so kan ich solche leüt weyters auch vberzeugen mitt dem abriß von dem selbigen tryb so inwendig in dem Hanen befunden / welcher noch vorhanden.

Also das solche leüt in diser ihrer rede nicht bestehn/ wie in anderen auch / wan sie mehr wissen wollen/ dan ihr verstand/auch vermögen ist.

Darmit nun zu einem wahrzeichen des alten Uhrwercks etwas behalten wurde / so haben wir disen Hanen in dem neuen werck auch hinzuges than welcher bey den alten wie auch noch/die zeyt vnnnd derselbigen verkündung anzeygt hatt / auch ein jeden erinnert des heyligen Apostels Petri der auß menschlicher schwacheyt / Christum verleügnet/ vñ durch dz Hanen geschrey erinnert wardt.

Nach dem nun solches altes Uhrwerck ganz vnd gar in abgang kommen / so hat ein Ersamer Rath allhie/mein G. G. Herren Anno vngesehr 1547 erkandt/ein ander Uhrwerck auffzurichten/nicht an disem ort / sonderen dargegen vber/wie dann jetzmalen gesehen wirt/ vnd seind auch dar

A iij

zu verordnet gewesen fürnemme gelehrte vnd ver-
 ständige Mathematici (on welche kein vhrenma-
 cher oder schmitt solches vñ dergleychen Astrono-
 misch vhren werck nimmermehr erfinden angeben
 anordnen vñ auffrichten würdt) nemlich Doctor
 Michael Herus / Nicolaus Brucknerus / Christia-
 nus Herlinus / vñnd neben ihnen andere Handt-
 wercks leüt vnd ward das werck so weit gebracht
 das der vhrenmacher ettliche redder / vñ das ge-
 stell verfertigt hat / der Steynmetz das geheuß
 auffgefürt / biß gar nach an den helm / die Mathe-
 matici / das Astrolabium so ich hernaher bekun-
 nen / vnd nach vorhanden ist / auch auffgerissen
 haben. Nach welchem das werck solte gemacht
 sein worden / vñnd hat man den Schnecken auch
 zu gutem theyl außgemacht gehabt.

Aber solches werck ist darnach durch etlicher
 absterben / vñnd anderer vngelegenheit / so dazus-
 malen einfielen verhindert / vñnd also vnaußge-
 macht verbliben biß Anno 1571. von welchem
 werck nichts anders zu disem kommen / dann allein
 das gestell / vñnd ettliche wenig meins behaltens
 redder so das hantengeschrey vñnd die Cymbalen
 treyben / die der vhrenmacher darzu gebraucht
 hat / vñnd were das gebew vñnd das geheuß von
 steinwerck nicht so weyt auffgefürt / so were das
 werck stattlicher vñnd grösser / auch herrlicher zu
 machen gewesen / aber wir seind bey disem geheuß
 verblis

verbliben / vnd nicht weiter geschritten.

Es ist auch zu der selbigen zeit das gehenß mit den zwölffzeichen vnd dem Monſcheyn ſo außwendig vor der Kirchen ſteht / gemacht worden / das von dem jezigen neuen werck ein trib gieng / wie dann jezmalen zu ſehen / durch welchen der Soñen vñ des Mons lauff / vnd ſeine Monſcheyn zu ſehē waren / aber wie vorgemelt alles verbliben.

Diß hab ich kurzlich wöllen erzelen von den zweyen Uhrwercken / dem alten ſo im gang vorlangem alten zeyten gewese / vnd dem ſo angefangen aber nicht ins werck volbracht / vnd zu ende gefürt worden.

Von dem neuen Aſtronomiſchen Uhrwerck ſo jezmalen auffgericht.

Das ander Capittel.

Dach der zeyt als diſes vorgemelt Uhrwerck angefangen war / iſt ettlich malen darumb angeſücht worden bey meinē G. G. H. durch etliche Uhrenmacher / aber meine G. G. H. nicht rhatſam ſolches befunden. Zu leßt Anno 1571 kurz vor Johannis Baptiſte kam alher von Schaffhauſen Isaac Habrecht vnd Joſias Habrecht gebrüder / vñ zu derselbigen zeit burger zu Schaffhauſen / deren ein jeder hatte ein ſonder Uhrwerck gemacht / der ein dz
Astro.

Astrolabium, der ander Sphæram materiale wie
 die Mathematici solche Instrumenta nennen / welche
 die Stunden vnd Planeten Stunden / auch Sonn
 vnd Mons lauff / vnd die Mon schein durch red
 der vnd derselbigen tryb zeigten. Vnd dieweil die
 Herren von Schaffhausen etliche in dem stipendio
 in vnserer Schulen vnd Academey halten / vnd
 mir befolhen ein auffsehens auff sie zuhaben / dies
 selbigen kamen zu mir als Professore Mathematico,
 mit disen zweyn gebrüderen / mit welchen ich nie
 keyn kundschaft gehabt / vnd alleyn durch dise
 studiosos anfänglichs mir bekandt worden seindt /
 solche haben mir versach geben das ich mich diser
 zweyer gebrüder angenommen hab / als sey mich
 durch dise studiosos ihnen behülfflich zu sein / bitten
 liessen / dz inen von meinem G. G. H. solches Uhr
 werck in dem Münster aufzuführen vertrawet
 möchte werden / solchē dienst vmb mich mit danck
 zuverschulden.

Darauff hab ich als bald bey den herren Pfles
 geren auch hernacher meynen G. G. H. angesucht /
 ist ihnen zweyen so sehr zu vertrawen bewilligt vñ
 erkandt / so ferrich Cunradus Dasypodius gut
 für dise zwen Ehrenmacher sein wölle / das sie sol
 ches werck zu verrichten ein wissens vnd kunst has
 ben / welche erkandtnuß mir schwer genüg fielt /
 aber habts mit ihnen gewagt.

Auff das warde auch befolhen ich solte ein sol
 ches

ches Astronomisch Uhrwerck erfunden vnd angeben / das einer Statt Straßburg löblich / vnd dem Tempel zu Straßburg der weit vñ breyt bestandt / rühmlich were / welches zu dem vorigen verbürgen / mich hoch beschwert / vnd schwere gedanken macht / vñ hette dazumalen wie auch hernaher wünschen mögen nicht alleyn diser bürgerschaft halb / sondern auch anderer beschwert / so mir auff vil weg begegnet seindt / kein rhat od that disen zweyen brüderen gethan haben / dieweil alles mir heimgewisen wardt.

Auff solches hab ich meinen G. G. S. zu vnderthenigem dienstwilligem gefallen / vnd meynem vatterlandt zu ehren / mich darein ergeben / vnd bewilligt / solches zuthun / vnd ein visierung oder abriß durch den Maler lassen abmalen / vnd darinnen angezeigt was die fürnemste stück in dem Astronomischen Uhrwerck sein sollen / welche dann durch etliche Doctores so oben vermeldet besichtiget / vnd für künstlich auch rühmlich geachtet / nach aller vnd jeder stück fleysiger besichtigung / vnd an diesem meynem fürgelegten abryß / nicht zu dem selbigen mal zuuerbesseren geantwurt / mitt vermeldung / so ettwas sein wurde / dz darzu gehörig were / wardt die zeyt so man ihn das werck schreytethet / anzeygen.

Hab auch hernaher zu einen überflus auß bewilligung meynen G. G. S. der herren Pflägeren den

B

alten mathematicum herre Oswaldum Schreckens
 fuchs zu Freyburg darunder heymgesücht / vñ be-
 fragt von allen vnd jeden stück meynes erst erfun-
 denen vñ angegebnen abryß dises Astronomischen
 vhrwercks / der auch gleychfahls mit den her-
 ren Doctoribus zugestimmt hatt / vñnd solches in
 dem wertht gehalten wie vor gemeldt ist worden.
 Solcher abryß ward den zweyen brüderen fürge-
 legt / darauff sie durch die Herrn Pfleger befragt/
 ob sie solches wie ichs angeben vnd erfunden / auch
 durch den Mahler abgerissen wolten vnderstehn
 zu machen / welches sie bejahn vnd bewilligten / da-
 rauff ein verschreibung auffgerichtet ward.

Letstlich warde mir zu den vorigen zweyen
 puncten auffgelegt von meinen G. G. S. den Pfler-
 gern auff dem Haus / ein inspection zu haben zu dis-
 sem ganzen werck / zu vnd von zugehn / auch ver-
 schaffen das alles wie es von mir angeben war /
 in das werck gerichtet wurde / dann solches keys-
 nem fuglichen vñnd künlichen zuthun were / als
 mir der dissens ein wissens hette / vñnd anfängli-
 chen angeben vnd erfunden / auch auffgerissen für-
 gelegt hette.

Auff disen allen so ich wahrhaftig erzelt hab /
 kan ein jeder leichtlich abnehmen wie mir zümüt
 gewesen seye / da ich sahe das solches alles mir auff-
 gelegt war / bürg zu sein für die zwen brüder / die
 frembt vnd mir vnbebandt waren / das sie solches
 alles

alles mit seiner zugethon auß der Astronomischen Kunst wie ichs angeben hat/ wurden durch ihr handtwerck verrichten / darnach das ich solte die inspection vnd anordnung versehen / damit alles an disem werck gemacht wurde nach dem befelch meiner G. G. S. namlich ein Astronomisch Uhrwerck anrichten vnd anordnen/ das dem Tempel zierlich vnd der Statt Straßburg thümlich were. Wann auch daran etwas von den Uhrenmacher/ für welche ich gut bin worden / das sie solches wurden volbringen/ were versaumet oder aber nit noch meiner G. G. S. befelch gemacht were worden/ kan ein jeder wol erachten/ das solches mir wurde heim gewisen sein/ vnd hette ich/ dem das ganz werck vertraut war/ müssen rechnung schafft darumb geben. Welche sorg vnd andere zufell so hernaher mir begegnetē mich in ein krankheit brachten / vnd wardt von wegen des grossen last / den ich auff mich geladen / auch anderer beschwerdt verursacht vmb hilff vmbzulügen.

Derhalben als ich ein guten vertrauten freünd hat / dem ich solches vertrauen kundte vnd wußte/ vnd zu der selbigen zeit sich zu Augspurg hielte M. David Wolckenstein von Preßlaw / hab ich freündtlichen an ihn geschriben / fleissig gebetten/ er wolte mir zugefallen sein / vñ auff meinen kosten alher ziehen / mir behülfflich sein in disem grossen thun / vnd das werck zu ende helffen führen/ ich

wolte jm zu dem halben theil anstehn lassen / was mir von meinen G. G. S. für gehabte mühe vnnnd arbeit verehret wurde / vnd solches ist geschehen ein gantz Jahr hernaher / Anno 1572 nach dem ich schon weit in dem werck fürgefahren war / vnd die Bildhawer / auch der Mahler / der Vhremmacher vnd Steinmetz / jeder in seinem thün vnnnd handts arbeit fürgeschritten / vn̄ vil stück̄ verfertigt waren.

Als er nun bewilliget / vnd auch auff das fürderlichst sich zu mir gethan / hab ich ihme alle heimlicheit alles meins vorhabens / vnnnd was ich zu diesem werck̄ nutzlich vnnnd dienstlich achtete / angezeigt vnnnd eröffnet / welches ich zu vor niemands (auf vrsach) hab wollen thün / vn̄ also mit gewisser condition mit jm abgeredt vnd gehandelt / auch angestellet / das er was ich jm angeben hab / vnnnd wir beyde mit gemeinem Rhat hatten bey vns selber beschlossen / solte auffreissen vnnnd verfertigen / vnd in meinem abwesen / mein statt vn̄ lücken vertreten / darinnen ich in so trewlich vnd redlich befunden hab / das er auch in meiner höchsten krankheit / nicht vnderlassen hat offtermal mich rhat zu fragen / auch das geringste / so er von meiner wegen zuthün mir bewilliget hat / vnnnd ohn mein rhat / vorwissens / vn̄ willens nicht / wie man sagen möchte / ein linien gerissen / vmb welche trewen vnnnd fleissigen dienst so er mir seiner zusagung vnd verheissung nach bewisen / billich zu dancken hab / vnd vmb ihn zu verdienen schuldig bin. Ha

Haben also wir zwen dises werck mit hilff Gottes des Allmechtigen / vnd der Handtwercks leuten / die dazu gebraucht worden verrichtet / vnd zu ende gebracht / vnd wa sehr nicht etliche vngelassenheit / die ich mir selbers behalt / eingefallen / die vns an vnserem thun vil malen gehindert / wolten wir vns nicht gesaumet haben / sonderen mehrgethan vnd bewisen / bin aber gantzlich der hoffnung was mein vnd M. Davids arbeit erfunden / angeben / anordnung / vnd aller verwaltung / die wir gehabt in vnderweisung deren so daran gearbeitet / vnd als handtwercks leut nötig zu disem Astronomischen Uhrwerck gewesen / es werden vnser G. G. H. zu vorderst ein gut vernügen / vñ möniglichen der solche vnser arbeit ansihet / ein gut wolgefallen / haben.

Solches Astronomisch Uhrwerck haben wir angefangen zu bedencen berathschlagen / vnd in das werck zu ziehen Anno 1571 kurz vor Johannis Baptiste / vnd vollendet auch außgemacht / vnd verfertiget durch hülff vnd beystandt Gottes des Allmechtigen vnd der handtwercks leuten / Anno 1574. auff Johannis Baptiste / also das ich drey Jar lang / vnd M. David zwey jar mit mir / vnd Tobia Stimer dem Mahler / welchen wir zu offtermalen in bedacht vnd rathschlag deren sachen so wir auß Astronomischer kunst genommen gebraucht haben / der auch seinen höchsten fleiß erzeis

B ij

get / vnd sein kunst vnd verstandt dermassen dar-
gethan / das maniglichen der solchen seinen fleiß/
kunst vnd arbeit an disem werck erzeigt versteht/
rhümen vnd loben wirt.

Dis alles hab ich notwendiglichen sollen vnd
müssen anzeigen zumoz vñ ehe ich die beschreibung
des ganzen wercks anfieng / dann vil daran meins
erachtens gelegen ist / wann zum eingange in jeder
ein wissens hat / der werck so zumoz da gestanden
vnd angefangen / vnd deren die solches jetziges
werck erfunden angeben berahtschlagt / alles vnd
jedes aufgetheilt vnd angeordnet / vnd was ein
jeder daran gearbeitet hat / damit einem jeden geben
werdt sein lob / sein ehr / sein rhüm / vnd nach seiner
woluerdienter mühe / arbeit / fleiß / vnd trewen
dienst / auch seine verehrung vnd belohnung.

Von der außtheilung des ganzen Astronomischen wercks.

Das dritt Capitel.

Die Astronomey ist ein Mathemas-
tische kunst die da auflegt alle bes-
wegnuß des Himmels / der sternens /
vnd durch solche auch anzeigung
thut der zeit / Jar / tag / vnd nacht /
ganze / halbe stunden / auch dersel-
bigen

bigen minuten / vñd was mehr dergleichen sein mag / vñ solches alles auff das schärfst als menschliche vernunft erreichen mag.

Dieweil aber solche kunst nicht kan schlechtlich begriffen werden / sonderen zum theil durch täglich langwerende viler Tharen erfarnuß / vñd etlicher Astronomischer Instrument gebrauch / zum theil auch durch Geometrische abriß vñd abtheilung / zum theil durch scharpffe aufrechnung verrichtet werden müß / vñd ohn dise vñd dergleichen niemands zu erkandnuß diser kunst kommen mag.

Derhalben hab ich solches anfänglichlichen vor vñ ehe ich dises Astronomisch Uhrwerck hab angesehen betrachtet / vñd nachgesinnet / wie solches zu wegen zubringen were / das in disem werck offentlichen für augen gestellet werden / zum ersten des himmels / der sternen vñd sibem Planeten lauff vñd bewegnuß / ein jeder nach seiner art vñd eygenschafft / wie sie in der Astronomy beschryben werden / namlich der oberst himmel der in 24. stunden herumb laufft / vñd alles mit im was im himmel ist / hernaher die Planeten / als Saturnus in 30 Jahren / Jupiter in 12 Jahren / Mars in 2 Jahren gar nah / die Sonn / der Mercurius vñd Venus in eynem Jar / der Mon in einem monat.

Zum anderen sahe ich für notwendig an / vñd auch nützlich sein / die beschreibung der zeit für aus
gen

gen zustellen / das da ewig ist vnnnd immerwerend
 æternitas genant / darnach die zeit von 100 Jaren
 Sæculum , vnnnd nach disem der Planeten zeit wie
 jetz gemelt bis auff den Mon / welcher die monat
 vnderscheidt / nach den monaten volgen die wo-
 chen / nach den wuchen die tag / die stunden / die
 halben stunden / viertel stunden / bis auff die minu-
 ten / wie hernaher weittleuffig vermeldet wurd.

Zum dritten / so bedachte ich auch zu derselbigem
 zeit / wie ichs angab / was zu einer zierdt vnd wol-
 standt dienen möchte durch allerhand gemähle /
 oder künstliche werck / als da seind die bilder der
 siben Planeten / die vier alter vnd andere gemeldts
 vnnnd zier vnd wolstandt / deren vil zu den selbigen
 mahlen angezeygt waren / als die jetz genante / vñ
 die abriß der Finsternuß / auff etliche künsttliche Jar /
 vil sindt hernaher herzugethan / nach dem wir in
 das werck vnd thün kommen seind / vnd nach gele-
 genheit gemehret haben / aber jetz gemelte alle vnd
 jede stück / hab ich anfenglichen betrachtet / auch in
 der visierung angeben / vnnnd den Herzen Pflegern
 fürgelegt / wie dann die visierung so nach vorhan-
 den / vnnnd die verschreibung darüber auffgericht /
 solches alles bezeuget vnd bestetiget war sein / alles
 was ich hie schreib / dann ich mániglichen der war-
 heit berichten / vnd nicht mehr dann wie es ergan-
 gen / vnd was anfenglich mein gedancken gewesen
 eröffnen will.

Auf

Auf diesem allen kan ein jeder wol verstehn / das es nicht ein schlecht thun ist gewesen / vnnnd das solches werck nicht gering betrachtens erfordert hat / auch nicht auf dem Uhrenmacher allein her flüßset / sonder auf der Astronomie vnnnd aller schwerichsten vnd höchsten stücken diser kunst / auch keinem Uhrenmacher oder Handtwercksman der die Astronomie nicht auf rechten grundt gestudiert / erlernet vnd erfahren hat / möglich sein kan vnd mag / solches Astronomisch Uhrenwerck ersinden angeben / anordnen / vnd zum ende zubringen.

Damit aber solches maniglichem besser vernemme / wie der Planeten / der sternnen / des himmels bewegnuß vñ lauff in diesem Astronomischen Uhrenwerck zu vndersheyden seyen / aller jr zugehör begriffen / vnd auch zu süchen / so wil ich das ganze Astronomisch werck / in ettlich theyl abtheylen / vñ ein jedes in sonderheit beschreiben vnd durch zaalen vndersheyden / Damit solches Astronomisch werck desto leichtlicher verstanden werde. Dann ich die zeyt her ettlich malen war genommen hab / das der mehrer theil auf vnwissenheit deren stück so in diesem werck begriffen / sich allein verwunderen ab solchem so sie ansehen / aber nicht gantzlichen recht betrachten was darinnen fürgestellt ist / welches so sie es begreyffen wurden vnd verstehn / hetzen sie sich dessen / nicht allein zu verwunderen / wie täglich beschicht / sondern auch ihnen nutzlich zu

E

machen / vñ was von den Astronomis geschribet
wirt / desto leichtlicher wann dauon redt gehalten
wirt / verstehn / vnd ein wissens haben.

Von dem Astronomisten Globo.
oder Kuglen / so auff dem boden vor
dem andern werck steht /
mit N. I.

Das vierdt Capittel.



Lobus Astronomicus wirt die
Kugel so vnden auff dem bodem
der Pellican tregt / von den Lati
nis genant / in welcher Kugel alle
sternen so den Astronomis be
kandt / beschriben seind / namlich
1022. die da in 48 bilder abgetheylet werden / vnd
seind also in diser Kugel die grossen vnd kleine ster
nen nach der leng vnd breite gesetzt / vnd auch ge
staltet / wie man solche sternen an dem himmel vnd
firmament sihet / haben auch wir zwen vnd der
Tobias Stimmer der Mahler sehr grosse mühe
vnd arbeit mit gehabt / ehe dan wir solches zuwe
gen bracht haben / vnd an fleiß vnd ernst in der
scharpffen auftheilung an vns nicht lassen erwin
den / nach dem sey auch durch vns verfertigt / geris
sen / vñ abgetheilt / auch gemalt wardt / haben wir
solche dem Vhrenmacher gelüffert der den tryb dar
ran

kan mit anderen zugehör gemacht hat.

Weitter so ist in diser Kugel am ersten plat mitt N. i. verzeychnet / auch alles auff gerissen / was in der Astronomie beschriben wirt / von den circulis sphaera von lenge tag vnd nacht / von auffgang vnd Nidergang der Son / Mons vnd anderen sternnen / von natur vnd eygenschaft der Winden / vnd mit einem wort geredt / was doctrina sphaerica vermag / das ist auff diser Kugel begriffen / mit sampt des lauffs vnd bewegnuß des ganzen himmels / welcher in 24 stunden von auffgang vñ nidergang bis wider zum auffgang herumb laufft / welcher täglicher lauff in diser Kugel / auch durch vns dargestellt ist / dann dise Kugel nicht / wie vil vermeinen / still steht / sonder in 24 stunden geht / sey gleich wie der himmel ein mal herumb / also das dise Kugel anzeigt / vnder anderen nutzbarkeyten die sie hat auffgang vnd nidergang Sonn / Mon / vnd der sternnen / vnd zu jeder zeit sihet einer augenscheinlich / welche sternnen an disem oder anderem ort stönd.

Dise Kugel hatt drey werck schüch in der weitte / vnd wigt ein Centner / ist künstlich auß tüch / papp / leym / freyd vnd anderer materij also zubereit / das kein würm oder anders schaden daran thun kan / sonder werhastig sein vnd bleiben wirt / welches ich warhastig sagen kan / dieweil ich solche Kugel lenger als 14 Jar gehabt / vnd als ich dis

C ij

ses Astronomisch werck hab angefangen / meinem
G. G. H. zu ehren vnd gefallen / vnd zu zierdt dis
ses wercks dargeben / dann ich alles was nützlich
war zu erkundigen vnd zu erfinden / habe mit ernst
bedacht vñ vnderstandē in dises werck zubringen.

Darmit aber nicht allein des himmels vnd Sonn
vnd Mons / der sternens lauff / angezeigt wurde /
in diser kugel / sonder auch die zeit / so habē wir den
Pellican vnden gesetzt der dise kugel des himmels
tregt / welcher vogel ein anzeigung gibt der ewig
werender zeit / welche die Latini nennē æternitatem,
auch ist diser Pellican ein anzeigung Christi / die
weil er sich selbers tödt / vnd sein blüt den Jungen
gibt / sie bey dem leben zu erhalten.

Vnd wann einer der diser kunst der Astrono-
mey erfahren alle stück so in disem werck begriffen
bedenck / so wirt er vnder allen keins finden / das
künstlicher vnd nütlicher seye / als dise kugel / vnd
von wegen der fleissigen scharpffen auftheilung
vnd auffreissung / auch allem den jenigen so darin-
nen begriffen werht were / das er an einem ande-
deren ort stünde vnd zu Astronomischer observa-
tion gebraucht wurde / wie dann alle gelehrte Ma-
thematici das bekennen / dann an disem ort nicht so
hoch geachtet wurd / als wann er zu den observa-
tionen wurde gebraucht / auß welche die Astrono-
mey ihren vrsprung hatt / vnd heutigs tags sol-
che observation hoch vonnöten seind.

Zu

Zu welchen ich auch diese Kugel gespart hab/
 vnd dahin richten wollen / das sie nutzlicher köndt
 te gebraucht werden / dann an diesem ort / aber wie
 vor gemeldt vnangesehen meynes nutz / den ich het
 te können auß diser Kugel haben / so hab ich solche
 Kugel vngefordert vñ vngebetten / von freyer hand
 meinen G. G. H. zu vnderthenigen dienst vñnd
 wolgefallen / auch zuzierdt dieses Astronomischen
 werck's dargeben / vnd nicht minder fleiß / ernst vñ
 scharpffe außtheilung daran gewendet / als want
 sie solte / oder auch in künfftigem wurde zu den ob-
 seruationen gebraucht / vñnd wann ich solle rund
 vnd warhafftig sagen / welches das fürnemmet /
 vñ bey den gelehrten zum höchsten geachtet werck
 seye an diesem ganzẽ Astronomischẽ Uhrwerck /
 so ist kein anders als diese Kugel / wiewol der gemein
 man auch die so vermeinen etwas wissen / solches
 auß vnwissenheit vnd vnuerstandt der Astrono-
 mey nicht wissen noch können bedencken / sondern
 achtens geringer / dann das hane geschrey / vñnd
 die kinder / das stundglas vñnd andere so von bil-
 deren gemacht ist / welches nichts anders dann ein
 zierdt ist / vñnd weniger kunst hat. Aber es were
 wol zu wünschen / das ein jeder von diser Kugel vñ
 anderen stücken so in diesem Astronomischem Uhr-
 ren werck künstlich gemacht / nicht weiters ver-
 theylet / als sein verstand vermag / vnd grosser ver-
 messenheit müßig gieng / damit ihme nicht geants
 wurt

Wurt

wurt wurd / wie ihenem Schuster. Ne Sutor ultra
Crepitam.

Dises hab ich wollen anzeigen von der Kugel/
welche wir für das werck gesetzt haben ganzles
dig vn̄ los / damit wir desto mehr stück in das ganz
ze werck bringen möchten / welche ich hernach erz
zehlen will.

Von den scheiben des Calenders vnd
anderen stücken so vnden gesetzt / mit sampt den
Taffeln der künfftigen Jharen fünster
nussen Son vnd Mons / Mitt N.

2. 3. 4. 5. 6. verzeychnet.

Das fünffte Capittel.

Nach der Kuglen so volget die bes
schreybung dreyer Taffelen / deren
eyne zu der rechten / mit N. 2. die
andern zu der lincken mit N. 3. ges
setzet ist / vnd halten beyde in sich
die beschreybung etlicher finster
nuss Son vnd Mons in den künfftigen Jharen
von dem 1573. Jhar / bis auff das 1605. seindt 32
Jhar / in der mitte ist eyn grosse scheyb / namlich
die dritte mit N. 4. auff 10 werck schuch hoch / wel
che in sich haltet den Calender / vnd ettliche ande
re beschreybungen der zeyt so in der Christlichen
Kir

Kirchen gebreuchlich / vnnnd ist solche schein / in drey theyl getheylet / das aufferste theyl hat ihn sich den Calender mit seinen monaten / wuchen / tag vnnnd was dann zu solchen gehörig / vnnnd seyndt zwey bilder an beyde ort gesezet / zur rechten hand Apollo oder die Sonn / welche zeiget alle vnnnd jede tag mit dem pfeyl den Apollo ihn der handt hatt / das ander bild ist Diana oder Luna der mon welches zeyget den tag so strackts gegen dem anderen des halb Jhar machet / vnnnd dise aufferste schein gehet in eynem Jhar ein mal herumb / vnnnd zeyget alle tag des gantzen Jhars mit der selbigen nammen / wie sie in den Calenderen verzeychnet seindt / vnnnd alhie etlicher tag abdruck ist / dise schein hatt ihren tryb von der lincken zu der rechten / die mittel aber hatt ihren trib von der rechten zu der lincken / welcher beschreybung jetz volgt.

Das andertheyl diser scheiben / haltet vil stück in sich / welche ich ordenlich erzelen will zu / erst mit lateinischen worten / dann zu deutsch solche nicht so verstendiglich seynd / hernaher damit denen so der Lateynischen sprach vnterfahren geholffen vnnnd der mittlen schein inhalt desto leychtlicher verstehn / so hab ich eyn taffel darinnen alles teutsch begriffen hieunden gesezt.

Wir haben die schein in 16 theyl getheylet.

1 Die Jahrzahl von Christi geburt angefangen von dem 1573 Jahr bis auff das 1673 Jhar / also

so

So das die zeyt begriffen wirdt der 100 Jahren welche von dem Latinis *saeculum* genennet wirdt.

II Die Jahr von anfang vnd schöpffung der welt auff die zeyt nach Christi geburt 1573 angefangen das da ist gewesen von anfang der welt 5535. bis das man zelt 5635. von anfang vnd schöpffung der welt.

III Dies æquinoctij verni.

IIII Horæ diei.

V Minuta horarum

VI Dominica Esto mihi.

VII Dies Paschatis.

VIII Dies aduentus.

IX Interualli minoris Hebdomadæ:

X Dies Concurrentes.

XI Interualli ad Pascha Hebdomadæ.

XII Dies concurrentes.

XIII Interualli à Pascha ad Natiuitatē hebdomadæ

XIIII Dies concurrentes.

XV Litera Dominicalis.

XVI Litera bisexti.

Dises alles haben wir auff das schärpffest müssen aufrechnen/wie wir dann auch solches mit vnserm Protocoll vnd buch beweisen vnd wahr machen können. Darinnen alles verzeichnet ist was zu solcher Calculation gehört/ vnd von vns in diesem Astronomischen Vhrwerck Calculirt vnd abgerissen ist.

In dieser Taffel ist alles begriffen / was fürnemlichen zu einer Beschreibung der Jarzeiten / vnd Festtag belanget / als namlich die Jar von der Geburt Christi / angefangen zu zehlen / in dem Jar / als dieses Astronomisch Uhrwerck zu erst erfunden / angeben / vnd in das werck gebracht / namlich 1573. Darnach die Jarzal von anfang vnd Schöpffung der Welt 5535. Vnd dieweil vil daran gelegen das man wisse auff weleche zeit der Fruling anfahet / wann tag vnd nacht gleich seye. So haben wir dieselbige zeit auch hierinnen vermeldet / auff welchen tag des Wrens / vnd weleche stund auch minuten / die gleichheit des tags vnd der nacht / alle vnd jede Jar beschehe. Nach solchen allen volgen die anderen Jarzeit vnd Fest / auch auffthelung des gansen Jars / mit dem Sontags büchstaben / wie dann ein jeder verstendiger lychtlichen finden wirt.

Jar von Christi geburt	Jar von anfang der welt.	Die zeit des Verni equinoctij. Martij.	Der fünffzigst tag.	Der Oster tag.	Der Adwent.	Von Weynacht bis Fastn	Von Weynacht bis Oster	Von Oster bis Weynacht	Sontags buchstab.	D
1573. 1574	5535. 5536.	11. 4. 23. v. 11. 10. 19. v.	1. F. 21. F.	22. M. 11. A.	29. N. 28. N.	5. 3. 8. 2.	12. 3. 15. 2.	39. 5. 36. 6.	D. C.	
1575. 1576	5537. 5538.	11. 4. 15. n. 10. 10. 9. n.	13. F. 4. M.	3. A. 22. A.	27. N. 2. D.	7. 1. 10. 0.	14. 1. 17. 0.	38. 0. 35. 2.	B. A. G.	
1577. 1578.	5539. 5540	11. 4. 7. v. n. 10. 2. v	17. F. 9. F.	7. A. 30. M.	1. D. 30. N.	7. 5. 6. 4.	14. 5. 13. 4.	37. 3. 38. 4.	F. E.	
1579. 1580.	1541. 5542.	11. 4. 6. n. 10. 10. 0. n.	1. M. 14. F.	19. A. 3. A.	29. N. 27. N.	9. 3. 7. 2.	16. 3. 14. 2.	35. 5. 38. 0.	D. C. B.	
1581. 1582	5543 5544	11. 3. 56. v. 11. 9. 44. v.	5. F. 25. F.	26. M. 15. A.	3. D. 2. D.	6. 0. 8. 6.	13. 0. 15. 6.	39. 1. 36. 2.	A. G.	
1583. 1584	5545. 5546	11. 3. 41. n. 10. 9. 36. n.	10. F. 1. M.	31. M. 19. A.	1. D. 29. N.	6. 5. 9. 4.	13. 5. 16. 4.	38. 3. 35. 5.	F. E. D.	
1585. 1586.	5547 5548	11. 3. 33. v. 11. 9. 29. v.	21. F. 13. F.	11. A. 3. A.	28. N. 27. N.	8. 2. 7. 1.	15. 2. 14. 1.	36. 6. 38. 0.	C. B.	
1587. 1588.	5549 5550	11. 3. 24. n. 10. 9. 20. n.	26. F. 18. F.	16. A. 7. A.	3. D. 1. D.	9. 0. 7. 6.	36. 0. 14. 6.	16. 1. 37. 3.	A. G. F.	
1589. 1590	5551. 5552.	11. 3. 16. v. 11. 9. 11. v.	9. F. 1. M.	30. M. 19. A.	30. N. 29. N.	6. 4. 9. 3.	13. 4. 16. 3.	38. 4. 35. 5.	E. D.	
1591. 1592.	5553. 5554	11. 3. 7. n. 10. 9. 3. n.	14. F. 6. F.	4. A. 26. M.	28. N. 3. D.	7. 2. 6. 1.	14. 2. 13. 1.	37. 6. 39. 1.	C. B. A.	
1593. 1594	5555. 5556.	11. 2. 59. v. 11. 8. 54. v.	25. F. 10. F.	15. A. 31. M.	2. D. 1. D.	8. 6. 6. 5.	15. 6. 13. 5.	36. 2. 38. 3.	G. F.	
1595. 1596.	5557. 5558.	11. 2. 51. n. 10. 8. 47. n.	2. M. 22. F.	20. A. 11. A.	30. N. 28. N.	9. 4. 8. 3.	16. 4. 15. 3.	35. 4. 36. 6.	E. D. C.	
1597. 1598.	5559. 5560	11. 2. 43. v. 11. 8. 39. v.	6. F. 26. F.	27. M. 16. A.	27. N. 3. D.	6. 1. 9. 0.	13. 1. 16. 0.	39. 0. 36. 1.	B. A.	
1599. 1600	5561. 5562.	11. 2. 34. n. 10. 8. 30. n.	18. F. 3. F.	8. A. 23. M.	2. D. 30. N.	7. 6. 5. 5.	14. 6. 12. 5.	37. 2. 39. 4.	G. F. E.	
1601. 1602.	5563. 5564	11. 2. 26. v. 11. 8. 22. v.	22. F. 14. F.	12. A. 4. A.	29. N. 28. N.	8. 3. 7. 2.	15. 3. 14. 2.	36. 5. 37. 6.	D. C.	
		ag/stund/min.	tag.	tag.	tag.	wo. tag	wo. tag	wo. tag		

Jahr von 1600 bis	Jahr von anfäng der Welt.	Die zeit des Verniaequi- noctij. Martij.	Der fünft- zigst tag.	Der Oster tag.	Der No- went.	Von Wey- nacht biff Saffn	Von Wey- nacht biff Oster	Von Oster biff Wey- nacht	Sons- tage blan- stab.
1601. 1604.	5565. 5566	11. 2. 17. 11. 10. 8. 13. 11.	6. M. 19. F.	24. A. 8. A.	27. N. 2. D.	10. 1. 8. 0.	17. 1. 15. 0.	35. 0. 37. 2.	B. A. G.
1605 1606	5567 5568	11. 2. 10. 11. 11. 8. 5. 11.	10. F. 2. M.	31. M. 20. A.	1. D. 30. D.	6. 5. 9. 4.	13. 5. 16. 0.	38. 3. 35. 4.	F. E.
1607 1608	5569 5570	11. 2. 0. 11. 10. 7. 57.	51 F. 7. F.	5. A. 27. M.	29. N. 27. N.	7. 3. 6. 2.	14. 3. 13. 2.	37. 5. 39. 0.	D. C. B.
1609 1610	5571. 5572	11. 1. 5. 11. 11. 7. 48. 11.	26. F. 18. F.	16. A. 8. A.	3. D. 2. D.	9. 0. 7. 6.	16. 0. 14. 6.	36. 1. 37. 2.	A. G.
1611. 1612.	5573 5574	11. 1. 45. 11. 10. 7. 41. 11.	1. F. 23. F.	24. M. 12. A.	1. D. 29. N.	5. 5. 8. 4.	12. 5. 15. 4.	39. 3. 36. 5.	F. E. D.
1613. 1614	5575. 5576	11. 1. 36. 11. 11. 7. 32. 11.	14. F. 6. M.	4. A. 24. A.	28. N. 27. N.	7. 2. 10. 1.	14. 2. 17. 1.	37. 6 35. 0.	C. B.
1615. 1616.	5577 5578.	11. 1. 28. 11. 10. 7. 24. 11.	19. F. 11. F.	9. A. 31. M.	3. D. 1. D.	8. 0. 6. 6.	15. 0. 13. 6.	37. 1. 36. 3.	A. G. F.
1617. 1618.	5579 5580.	11. 1. 17. 11. 11. 7. 16. 11.	2. M. 15. F.	20. A. 5. A.	30. N. 29. N.	9. 4. 7. 3.	16. 4. 14. 3.	35. 4. 37. 5.	E. D.
1619 1620	5581. 5582.	11. 1. 12. 11. 10. 7. 7. 11.	7. F. 27. F.	28. M. 16. A.	28. N. 3. D.	6. 2. 9. 1.	13. 2. 16. 1.	38. 6 36. 2.	C. B. A.
1621. 1622.	5583. 5584	11. 1. 3. 11. 11. 7. 0. 11.	11. F. 3. M.	1. A. 21. M.	2. D. 1. D.	6. 6. 9. 5.	13. 6. 16. 5.	38. 2. 35. 3.	G. F.
1623 1624	5585. 5586.	11. 0. 55. 11. 10. 6. 51. 11.	23. F. 8. F.	13. A. 18. M.	30. N. 28. N.	8. 4. 6. 3.	15. 4. 13. 3.	36. 4 38. 6.	B. D. C.
1625. 1626.	5587 5588.	11. 0. 47. 11. 11. 6. 43. 11.	27. F. 19. F.	16. M. 9. A.	27. N. 3. D.	9. 1. 8. 0.	16. 1. 15. 0.	36. 0. 37. 1.	B. A.
1627 1628.	5589. 5590	11. 0. 39. 11. 10. 6. 34. 11.	4. F. 24. F.	25. M. 13. A.	2. D. 30. N.	5. 6. 8. 5.	12. 6. 15. 5.	39. 2 36. 4.	G. F. E.
1629 1630	5591. 5592.	11. 0. 31. 11. 11. 6. 26. 11.	15. F. 7. F.	6. A. 28. M.	29. N. 28. N.	7. 3. 6. 2.	14. 3. 13. 2.	37. 6. 38. 6.	D. C.
1631. 1632.	5593. 5594	11. 0. 22. 11. 10. 6. 19. 11.	20. F. 12. F.	16. A. 1. A.	27. N. 2. D.	8. 1. 7. 0.	15. 1. 14. 0.	37. 0. 38. 2.	B. A. G.
1633. 1634	5595. 5596.	11. 0. 13. 11. 11. 6. 9. 11.	3. F. 16. F.	22. A. 6. A.	2. D. 30. N.	9. 5. 7. 4.	16. 5. 14. 4.	35. 3. 37. 4.	E. F.
1635. 1636.	5597. 5598.	11. 0. 5. 11. 10. 6. 2. 11.	8. F. 26. F.	29. M. 17. A.	29. N. 27. N.	6. 3. 9. 2.	13. 3. 16. 2.	38. 5. 36. 0.	D. C. B.
1637. 1638.	5596. 5600	11. 0. 0. 11. 11. 5. 51. 11.	19. F. 4. F.	9. A. 25. M.	3. D. 2. D.	8. 0. 5. 6.	15. 0. 12. 6.	37. 1. 39. 2.	A. G.
1639 1640	5601 5602	11. 11. 49. 11. 10. 5. 46. 11.	24. F. 16. F.	14. A. 5. A.	1. D. 29. N.	8. 5. 7. 4.	15. 5. 14. 4.	36. 3. 37. 5.	F. E. D.

tag/feund/min.

tag.

tag.

tags

wo. tag

wo. tag

wo. tag

Jar von Christi geburt	Jar von anfang der welt.	Die zeit des Verni equinoctij. Martij.	Der fünffzigst tag.	Der Ofter tag.	Der Advent.	Von Weysnachts bis Fastn	Von Weysnachts bis Ofter	Von Ofter bis Weysnachts	Sonstags buchstab.
1641	5603.	10 11 42. n.	7. M.	25. A.	28. N.	10. 2.	17. 2.	34. 6.	C.
1642	5604	11. 5. 38. v.	20. F.	10. A.	27. N.	8. 1.	15. 1.	37. 0.	B.
1643	5605.	11. 11. 33. v.	12. F.	2. A.	3. D.	7. 0.	14. 0.	38. 1.	A.
1644	5606	10. 5. 29. n.	3. M.	11. A.	1. D.	9. 6.	16. 6.	35. 3.	G.F.
1645	5607	10. 11. 25. n.	16. F.	6. A.	30. N.	7. 4.	14. 4.	37. 4.	E.
1646	5608	11. 5. 21. v.	8. F.	29. M.	29. N.	6. 3.	13. 3.	38. 5.	D.
1647	5609	11. 11. 17. v.	28. F.	18. A.	28. N.	9. 2.	16. 2.	35. 6.	C.
1648	5610.	10. 5. 13. n.	13. F.	21. A.	3. D.	7. 1.	14. 1.	38. 1.	B. A.
1649	5611.	10. 11. 9. n.	4. F.	25. M.	2. D.	5. 6.	12. 6.	39. 2.	G.
1650	5612.	11. 5. 5. v.	14. F.	14. A.	1. D.	8. 5.	15. 5.	36. 3.	F.
1651.	5613.	11. 11. 1. v.	9. F.	30. M.	30. N.	6. 4.	13. 4.	38. 4.	E.
1652.	5614.	10. 4. 59. n.	29. F.	28. A.	28. N.	9. 3.	16. 3.	35. 6.	D. C.
1653.	5615.	10. 11. 57. n.	20. F.	10. A.	27. N.	8. 1.	15. 1.	37. 0.	B.
1654	5616.	11. 4. 48. v.	5. F.	26. M.	3. D.	6. 0.	13. 0.	39. 2.	A.
1655.	5617.	11. 10. 45. v.	25. F.	15. A.	2. D.	8. 6.	15. 6.	36. 1.	G.
1656.	5618.	10. 4. 40. n.	17. F.	6. A.	30. N.	7. 5.	14. 5.	37. 4.	F. E.
1657.	5619.	10. 10. 36. n.	8. F.	29. M.	29. N.	6. 3.	13. 3.	38. 5.	D.
1658.	5620.	11. 4. 32. v.	21. F.	11. A.	28. N.	8. 2.	15. 2.	36. 6.	C.
1659.	5621.	11. 10. 28. v.	17. F.	3. A.	27. N.	7. 1.	14. 1.	38. 0.	B.
1660.	5622.	10. 4. 24. n.	4. M.	22. A.	2. D.	10. 0.	17. 0.	35. 2.	A. G.
1661.	5623.	10. 10. 15. n.	24. F.	14. A.	1. D.	8. 5.	15. 5.	36. 3.	F.
1662.	5624.	11. 4. 16. v.	9. F.	30. M.	30. N.	6. 4.	13. 4.	38. 4.	E.
1663.	5625.	11. 10. 12. v.	1. M.	19. A.	29. N.	9. 3.	16. 3.	35. 5.	D.
1664	5626.	10. 4. 7. n.	21. F.	10. A.	27. N.	8. 2.	15. 2.	37. 0.	C. B.
1665.	5627.	10. 10. 4. n.	5. F.	26. M.	3. D.	6. 0.	13. 0.	39. 1.	A.
1666	5628.	11. 4. 0. v.	25. F.	15. A.	2. D.	8. 6.	15. 6.	36. 2.	G.
1667	5629.	11. 9. 55. v.	17. F.	7. A.	1. D.	7. 5.	14. 5.	37. 3.	F.
1668.	5630.	10. 3. 51. n.	2. F.	23. M.	30. N.	5. 4.	12. 4.	39. 5.	E. D.
1669	5631.	10. 9. 24. n.	21. F.	11. A.	28. N.	8. 2.	15. 2.	36. 6.	C.
1670.	5632.	11. 3. 43. v.	13. F.	3. A.	27. N.	7. 1.	14. 1.	38. 0.	B.
1671.	5633.	11. 9. 39. v.	5. M.	23. A.	3. D.	10. 0.	17. 0.	35. 1.	A.
1672.	5634	10. 3. 35. n.	18. F.	7. A.	1. D.	7. 6.	14. 6.	37. 3.	G.F.
1673.	5635.	10. 9. 21. n.	9. F.	30. M.	30. N.	6. 4.	13. 4.	38. 4.	E.
		tag/sond/min.	tag.	tag.	tag.	wo. tag	wo. tag	wo. tag	

Das dritte theyl diser scheyben hatt in sich eynges
meyne landtassel / vnd beschreibung des Teutsch-
landes / in sonderheyt aber des Rheinstroms / vnd
auch eyn abcontrefertung der Statt Straßburg
mitt eynen fleinen täfelain / in welchem vnserenaz
men zu eyner gedechtnus verzeychnet seindt / aber
dise fleine schreib bleybt fertigs still ston / vnd hatt
eyn zeiger welscher zeyget vnd werset in der mittren
gespaltenen ryß / alles das jenig so oben erzelet ist /
in der mittel scheyben die in 100. Jahren eynmal
vndghebet.

Darmit aber mániglichem nicht alleyn vnserem
fleiß mühe vñ arbeyt spüre vnd sehe in der Kungel/
in den Dreyen scheyben / vnd diser aller aufrechnung
vñ scharpffen auftheylung sonderen auch in allen
anderen stücken / so wil ich kúrzlich erzelen / die sinz
sternussen Son vnd Monns so in künfftigen Jas
ren werden / die wir mit allem fleiß aufgerechnet
vnd Calculiert / auch in den zwoeyen neben taffelen
auffgeriffen / mit ihrer größe auch anfang mittel
vnd ende / welsche zwo tafflen auch durch Tobiam
Stimmer schon mit aller hand gemeldts gezieret
seyndt.

Zmmo



Anno 1573. ein finsternuß des Mons
den 8. tag Decemb. zu 8. vhren 22. mis
nutē noch mittag/ jr anfang zu 6. vhr
ren vnd 32. minuten/ ihr ende zu 10.
vhren vnd 12. minuten 17. puncten
vnd 28. minn. groß.



Anno 1574. ein finsternuß der Sont
nen 5. puncten vnd 41. minuten groß
den 13. Nouembris zu 4. vhren vnd
36. minuten noch mittag/ ihr anfang
zu 3. vhren vnd 35. minuten/ ihr ende
zu 5. vhren vnd 37. minuten.

Anno 1575. ist kein finsternuß.



Anno 1576. ein finsternuß des Mons
ix punct. vnd xlvij minuten groß/
den vii tag Octobris zu xi vhren vñ
xviij minuten noch mittag/ jr anfang
zu ix vhren xliij minuten noch mittag/
jr ende zu xij vhren vnd liiij minuten.



Anno 1577. ein finsternuß des Mons
xviij puncten vnd xlvij minuten groß
den ii tag April. zu viij vhren vnd l.
minuten nach mittag/ jr anfang zu vi
vhren vñ lviiij minuten noch mittag/
jr ende zu x. vhren vnd xli minuten.

Anno 1577. ein finsternuß des Mons
xviij punc. vnd xviij minuten groß
den xxvij tag Septem. morgens zu

℞

1 vhren / jr anfang zu xj vhren vnd vj minuten vor
 mittnacht / jr ende zu ij vhren vnd liij minuten noch
 mittnacht.



Anno 1578. würdt ein finsternus
 des Mons j punct vnd xxvj minuten
 groß den xvij Septemb. morgens
 frü vmb j. vhr vnd xxxiiij minuten /
 jr anfang würdt zu xij vhren vnd liij
 minuten / das ist noch mitternacht / jr ende zu ij vhr
 zen vnd xiiij minuten.

Anno 1579. würdt ein finsternus der Sonnen /
 welche würdt sein auff den xxv Hornungs auff den
 abent vngesfahr vj puncten vnd xxx minuten groß /
 welche doch in Teutschland nicht gesehen würdt /
 sondern viel mehr von denen so gegen nidergang
 der Sonnen wohnen / als Britania vnd andere
 lender / so gegen nidergang der Sonnen seindt.



Anno 1580. würdt ein finsternus
 des Mons xij puncten vnd xxv minu
 ten groß / auff den letzten Jenner zu x
 vhren vnd xlviiij minuten noch mit
 tag / jr anfang würdt zu ix vhren vnd
 vj minuten / jr ende zu xij vhren vnd xxxij minuten.



Anno 1581. würdt ein finsternus
 des Mons / xiiij puncten vnd xxxviij
 minuten groß / den xix Jenners zu x
 vhren vnd lvij minuten noch mittag /
 jr anfang zu ix vhren viij minuten jhr
 ende

ende zu xij vhren vnd xlvj minuten.



Anno 1581. würdt ein finsternus
des Mons xiiij puncten vnd xvj mi-
nuten groß / den xvj Hermonats zu
v vhren vnd xiiij minuten / ihr anfang
würdt sein zu iij vhren vnd xxx minu-
ten / ihr ende zu vj vhren vnd lvij minuten.



Anno 1582. würd ein finsternus der
Sonnen / iij puncten vnd vij minuten
groß / den xx Brachmonats morgens
frü zu 4 vhren vnd xxxvij minuten / jr
anfang zu iij vhren vnd lvj minuten /
ihr ende zu v vhren vnd xvij minuten.

Anno 1582. würd ein finsternus des Mons
de viij Januarij vmb mitternacht viij punc. groß /
aber doch gering vnd fleyn.

Anno 1583. würdt keine finsternus bey vns.



Anno 1584. werden zwo finsternus /
eine der Sonnen iij puncten vnd xvj
minuten groß / den xxix Aprilis mor-
gens frü zu v vhren vnd xj minuten /
ihr anfang würdt zu iij vhren vnd
xxi minuten / ihr ende zu v vhren vnd
lj minuten.



Die ander finsternus des Mons
würdt xvij puncten vnd xxv minuten
groß / den vij Nouemb. morgens frü
vmb j. vhr noch mitnacht vnd xxxvij minuten / ihr

£ ij

anfang zu xi vhr vor mitnacht vnd xlvij minuten /
ihr ende zu iij vhr vnd xxvij minuten.

Anno 1585 würdt ein grosse finsternus der Sonn
nen / den xviii Aprilis auff den abent wann die
Sonn vndergeht / aber in vnsern landen / weren
wir solche finsternus nicht sehen können.

Anno 1585 den iij May wird auch ein finsternus
des Mons auff den abent wann die Sonn vnder
geht / aber in Vngeren vñ solchen Lendern wirdt
sye gesehen / nicht bey vns.

Anno 1586 wirdt keine finsternus werden.



Anno 1587 wirdt ein finsternus des
Mons ix puncten groß den vij Sep-
tembris zu ix vhren xxiiij minutē noch
mittag / ihr anfang würdt zu vij vhr
ren vñ li minuten / ihr ende zu x vhren

lvij minutem.



Anno 1588 werden zwo finsternus
des Mons die ein xv puncten vnd
vij minuten groß / den iij tag Merz
gens morgens frū zu iij vhren vnd xl
minuten / ihr anfang zu i vhren nach
mitternacht vnd liij minuten / ihr ende
zu v vhren vnd xxvij minuten.



Die ander finsternus des Mons
würt 17 punct. vñ xxxvj minutē groß
den 26 Augusti morgens frū zu v vhr
ren vnd 8 minuten / ihr anfang wird zu 3 vhren vñ

17 mi

17 minuten / ihr ende zu vi vhren 59 minuten.



Anno 1589 wirdt ein finsternuß
des Mons 3 puncten vnd 5 minuten
groß den 15 Augusti zu 7 vhren vnd
37 minuten nach mittag / ihr anfang
wirdt zu 6 vhren 38 minuten / ihr ens
zu 8 vhren vnd 36 minuten.



Anno 1590 werden zwo finsternuß
sen / eine der Sonnen 8 puncten vnd
40 minute groß den 21 Julij morgens
frü zu 7 vhren vnd 22 minuten / ihr
anfang wirdt zu 6 vhren 19 minuten /
ihr ende zu 8 vhren vnd 25 minuten.

Es wird auch ein finsternuß des Mons wer
den 3 puncten gar noch groß / den 7 Julij mor
gens frü aber klein.



Die ander finsternuß des Mons /
wirdt 10 puncten vñ 5 minuten groß
den 30 tag Christmonats zu 7 vhren
45 minuten / nach mittag / ihr anfang
würdt zu 6 vhren 8 minuten / ihr ende
zu 9 vhren vnd 22 minuten.



Anno 1591 würd ein finsternuß der
Sonnen / 1. puncten vnd 27 minuten
groß / den 10 Julij zu 3 vhren vnd 20
minuten / nach mittag / ihr anfang
würd zu 2 vhren / ihr ende zu 3 vhren
vnd 48 minuten.

£ iij

Anno 1591 würd die ander finsternus des Mons auff 17 puncten vnd 30 minuten groß / den 26 Junij auff den abendt / aber würdt in disen landen nicht gesehen werden / sondern bey denen welche gegen auffgang wohnen.

Anno 1591 würdt die dritte finsternus des Mons 17 puncten vñ 29 minuten groß / den 20 Christmonats morgen frů zu 5 vhren vnd 8 minuten / ihr anfang wirdt morgens zu 3 vhren vnd 18 minuten / jr ende zu 6 vhren vnd 58 minuten.



Anno 1592 werden zwo finsternus des Mons die ein 8 puncten vñ 7 minuten groß / den 14 Junij zu 10 vhren vñ 7 minute / nach mittag ihr anfang wirdt zu 8 vhren vñ 37 minuten / ihr ende zu 11 vhren vnd 37 minuten.



Die ander würd 4 puncten vñ j. minut groß / dē 8 tag Christmonats zu 8 vhren vnd 7 minuten / nach mittag / jr anfang wird zu 7 vhren vñ j. minute / nach mittag / jr ende zu 9 vhren vnd 13 minuten.



Anno 1593 würdt ein finsternus der Sonnen 3 puncten vnd 14 minuten groß / den 20 tag May zu 2 vhren 20 minuten / nach mittag ihr anfang würdt zu j. vhr vñ 41 minuten / jr ende zu 2 vhren vnd 59 minuten.

Anno



Anno 1594 würdt ein finsternuß
des Mons/9 puncten vnd 10 minu-
ten groß den 18 Octob. morgens frū
zu 7 vhr vnd 12 minuten vor mittag
ihr anfang zu 5 vhren vñ 38 minuten/
jr ende zu 8 vhren 46 minuten.

Anno 1594 würdt die ander finsternuß der
Sonnen auff 8 puncten vnd 30 minuten groß/
den 10 May morgens frū / welche wir nicht recht
wol sehen werden sondern / die so gegen auffgang
in Ostereich vnd Ungern wohnen.



Anno 1595 werden drey finster-
nüssen / eine des Mons 18 puncten vñ
57 minutē groß / den 13 Aprillis mor-
gens frū zu 4 vhren vnd 37 minuten/
ihr anfang zu 2 vhren vnd 45 minu-
ten / ihr ende zu 6 vhren vñ 29 minutē.



Die ander finsternuß der Sonnen
3 puncten groß / würdt auff den 23
Septembris 57 minuten / noch mit-
tag / jr anfang würdt 18 minutē nach
mittag / ihr ende zu j. vhren vnd 36 minuten.

Die dritte finsternuß des Mons würdt 18 pun-
cten groß / den 8 October morgens frū / welche als
leyn in den Occidentalischen länderen gesehen
würdt.

Anno



Anno 1596 würdt ein finsternuß
des Mons/4 puncten vñ 7 minuten/
groß / den 2 tag Aprilis zu 9 vhren vñ
33 minuten nach mittag / ihr anfang
zu 8 vhren 27 minuten / ihr ende zu 10
vhren vnd 39 minuten.

Anno 1596 würdt die ander finsternuß der Sonn
nen 9 puncten groß / den 22 Septemb. morgens
frü / welche wir nicht sehen können sonder die Wes
cidentalische länder.

Anno 1697 würdt kein finsternuß.



Anno 1598 werdē drey finsternuß/
die erste des Mons 11 puncten/ vñ 53
minuten groß/ den 11 Hornungs mor
gens frü zu vj vhren vñ 41 minuten/
ihr anfang würdt sein zu v vhren / jr
ende zu 8 vhren 21 minuten.



Die ander finsternuß gleich hernach
an der Sonnen viij puncten vnd 20
minuten groß/ de 25 Hornungs mor
gens zu 10 vhren vnd 55 minuten vor
mittag/ ihr anfang würdt zu viij vhren 57 minu
ten / vor mittag ihr ende zu 11 vhren vnd liij minu
ten/ gleich auff den mittag.



Die dritte des Mons würdt 13
puncten vñ vij minuten groß / den vij
tag Augusti zu vij vhren vnd 42 mi
nutē / nach mittag ihr anfang würdt
zu v.

zu v vhren vnd lviij minuten / ihr ende zu viij vhr
ren vnd 26 minuten.



Anno 1599 wirdt ein finsternus
des Mons / 15 puncten vnd 15 minu-
tē groß / den 13 tag Jenneris morgens
frü zu vi vhren vnd l. minuten / vor
mittag / ihr anfang zu v. vhren / ir ens-
de zu viij vhren vnd 40 minuten.

Anno 1599 wirdt ein gar kleine finsternus / der
Sonnen / auff 40 minuten groß / den 12 Julij mor-
gens frü / aber wir werden solche nicht sehen oder
oder gar wenig.

Anno 1600 werden drey finsternus / eyne des
Mons gar klein auff 45 minuten groß / den 20 Jan-
nuarij morgens frü.



Anno 1600 wirdt die ander finsternus
der Sonnen / vij puncten vnd 33
minuten groß / den 30 Junij / zu j. vhr
ren vnd 17 minuten nach mittag / ihr
anfang wirdt ix minuten nach mits-
tag / ihr ende zu ij vhren vnd 15 minuten.

Anno 1600 wirdt die dritte finsternus der Sonn-
nen gar klein auff 45 minutē groß / den 25 Decemb.
zu ij vhren vnd 30 minuten nach mittag / wirdt nit
woll bey vns gesehen.

Anno 1601 werden drey finsternussen die ein des
Mons / gar klein auff ij puncten vnd 15 minuten
groß / den 5 Junij auff de abent wirdt nicht woll
gesehen werden.

f



Anno 1601 würdt die ander finsternus des Mons 11 puncten vnd ij minuten groß / den 29 Nouembris zu vii vhren 22 minutē nach mittag / ihr anfang würdt zu v vhren 44 minuten / nach mittag / ihr ende zu 9 vhren.



Anno 1601 würdt die dritte finsternus an der Sonnen / vij puncten vñ 36 minuten groß / den 14 Decembris zu ij vhren vnd 38 minuten noch mittag / ihr anfang zu j. vhren vñ 32 minuten / ihr ende zu iij vhren 44 minuten.



Anno 1602 werden zwo finsternusz des Mons eine 19 puncten vñ 48 minutē groß / den 25 Maij zu vii vhren 20 minuten noch mittag / ihr anfang würdt zu v vhren 26 minuten / ihr ende zu viii vhren 14 minuten.

Anno 1602 würd ein finsternusz des Mons 17 puncten vñ 30 minuten groß / den 19 Nouembris morgens frū / aber bey vns nicht woll gesehen werden.



Anno 1603 werden zwo finsternus des Mons / die ein vij punct. vñ v minuten groß / den 14 Maij zu mitternacht vmb 12 vhren vnd 34 minuten / ihr anfang würdt sein zu ii vhren vor mitternacht / vnd 9 minuten / ihr ende zu j. vhr vnd 59 minuten / nach mitternacht.

Anno



Anno 1603 würdt die ander finsternus des Mons j. puncten vñ 46 minuten groß / den viij tag Nouembris zu viij vhren vñ 21 minuten nach mitztag / ihr anfang würdt sein zu vj vhren vnd 37 minuten / ihr ende zu viij vhren vnd vij minuten.

Anno 1604 würdt kein finsternus.



Anno 1605 werden drey finsternus sein / die ein des Mons ii puncten vñ lvj minuten groß / den 24 tag Martij zu viij vhren 26 minuten / nach mitztag / ihr anfang würdt sein zu vij vhren vñ 45 minuten / ihr ende zu ii vhren vnd vij minuten.



Anno 1605 würdt ein finsternus des Mons viij puncten groß / den 17 tag Septembris zu iij vhren fru am morgen / vnd xlviii minuten / ihr anfang würdt zu iij vhren fru vñ xix minuten / ihr ende zu vj vhren vnd xix minuten.



Anno 1605 würdt die dritte finsternus an der Sonnen schröcklich vnd groß / xj puncten / vñ xliij minuten den ij tag Octobris zu ij vhren nach mitztag / ihr anfang würdt lviii minuten nach mittag / ihr ende zu iij vhren noch mittag.

Anno 1606 würdt kein finsternus.

f ij

Dise finsternuß alle so von vns in vnseren län-
dern gesehen werden auff bestimpte jetz angezeig-
te zeyt/ Jar / tag / stund / vnd minuten / mit ihrer
gröſſe/ werden in disen zweyen taffeln geschē/ wel-
che auff das fleysſigest von vns auß gerechnet / vñ
in ihrer gröſſe beschriben seyndt / wir waren auch
vorhabēs solche auff mehrz Jhar / der mitlen scheu-
ben 100 Jharen gleych zu vollstrecken/ aber vns sol-
che beschwernuß in disen wie in anderen stücken
fürgefallen seyndt / die ohn nott zu melden / das
wir solches haben ersitzen lassen/ vnd bey den xxxij
Jharen verbliben / jedoch also versehen das nach
ende der xxxij Jarē andere taffeln eingesetzt werde.

Es seindt auch solche scheuben vnd taffeln mit
schönem gemäldt von Tobia Stimmer gezieret
als die vier Monarchey nach der weissagung des
Propheten Danielis vnd anderer / so auch andere
mehr vnd mancherley gemäldts die lustig zu sehen
seindt.

Oberhalb disem allem so jetz erzelt / so ist ein
runde aufladung auff welchen die siben Planeten
von schönen bilderen künstlich geschmizlet seindt/
jeder Planet beson- der/ welche auff ihre tag wuch-
lichen herauß gehn / vnd sich sehen lassen/ welche
wir derhalben dahin gesetzt haben/ zu eyner anzei-
gung der tag in der wuchen vnd auch der wuchen
selbs / daß vonnöten war / nach dem tag welcher
in dem Calender verzeichnet die wuchen anzuzei-
gen/

gen/derhalben die Planeten die wuchen verkündi-
gen vnd der wuchen tag.

Es ist auch hie zumercken/das wie die anderen
tasseln vnd scheiben mit schönen gemäldt geziert
seindt / also hat auch Thobias Stimmer fleysig
vnd künstlich gemahlet / neben den Planeten/ die
Schöpfung der welt / die Erbsind / die erlösung /
die aufferstehung vñ das letzte gericht / mit V. 5. 6.
verzeychnet / welches alles zu einer beschreybung
der zeyt gehörig / vnd derhalben von vns alher
gesetzt.

Dañ dises vnser dreyen namlich mein vnd mei-
nes Collegæ M. Dauidis auch Thobie Stimmers
des Mahlers vorhaben alzeyt gewesen / alles in
disem Astronomischen Uhrwerck anzuzeygen/
vnd für die augen mániglichen zu stellen / was zu
einen beschreybung der zeit dienen vñ reichen mös-
chte oder thete / vnd dasselbig auff allerhand weis
vnd maas auch mittel vñ weg wie das sein könd-
te vnd möchte / als namlich mit bilderen / mit gemel-
den mit tasseln / mit scheybē / mit auffrechnung der
bewegnuß aller sternē auch Planetē / mit redderen /
vnd was dergleychen nicht allein durch vns vñ
andere so hernaher darzu gebrauch worden / vñ
durch die Herren Pfleger jederzeyt bestettiget /
vnd zu verfertigen beuolhen / sonder auch durch
die Handwerck's leüt gearbeit wordē / in hoffnung
es würde niemands etwas an vnserer arbeyt fin-

f ij

den zu taddlen / aber verstendigen leüten ist gütt
predigen / grobe klötz seindt schwerlich zu spalten.

Also ist kützlich der vnder boden beschriben /
mit der Kugel / den dreyen scheiben / vnd zweyen
tasslen der finsternussen / auch Planeten scheiben /
die anzeigen alle vnd jede wuchen / vñ tag der wu-
chen / volget nun der mittler Boden.

Von dem Astrolabio vnd Monschein.
auch den stunden / mit N. 7. 8. 9. 10.

Das sechste Capittel.

Auff dem mittel Boden haben wir
auff das flache feldt des auffgeri-
chten steins abgerissen ein Astrola-
bium / mit N. 9. welches alle die
stück in sich hatt / die ein Astrola-
bium haben soll / mit sampt den
zeigeren der sibem Planeten / welche also in ei-
nander gerichtet seindt / das ein jeder Planet
seinen lauff verrichten kan / vñd mániglichen zu
jederzeit sehen / in welchem zeichen ein jeder Pla-
net seye wie weit er fürscreit / vñd dieweyl auff
dem vnderen Boden / ein globus Astronomicus ist /
haben wir alhie zu einem knopff vñd befestigung
der zeiger ein globum terrestrem darin alle landt-
schaff

schafften begriffen / abgerissen vñ daher gesetzt /
Damit ein vollkommne oder beynabe ein voll-
kommne beschreibung seie / aller deren dingen / die
zu einem Astronomischem werck gehörig.

Auch werden hie angezeigt die ganzen vnd hal-
ben stunden / vnd auch viertheyl stunden mit ihren
minuten / also das die ganzen vnd halben stun-
den in dem Astrolabio fleissig seindt abgerissen / die
viertel stunden vnd ihre minuten / in einem kleinen
täfflin / auff welchem ein todten kopff / ein schlang
vñ apffel gesetzt seindt / mit N. 7. darbey zwei kne-
blin sitzen / deren eins dz stundtglas vmbkört / das
ander wan die glock die stund verkündet / mit ei-
nem Scepter so es in der handt hat / die streich der
glocken nach zelet / welches alles seyn sondere be-
deutung hat.

Neben disem allem seindt die vier zeit des
Jahrs Fröling / Sommer / Herbst / Winter /
mit den vier fürnemmen alteren abgemahlet in den
neben ecken des Astrolabij, damit an beschreibung
der zeyt nichts manglete.

Vnd dieweil oberhalb ein Kunde auf-
ladung ist / darauff die vier alter mit bilderen ge-
schnitzet herum gebn / so hatt vns für gut ange-
sehen vnder diser aufladung den Mونسchein mit N.
10. anzuzeige welches sehr nützlich vñ dienstlich ist /
ja von

ja vonnöten in beschreibung der zeit / also das nach
 beschreibung der 100 Jahre / eines Jahrs / der tag /
 stundt / vnd wuchen / notwendig eruelget ein be-
 schreibung der Monatszeit / welche nicht kunn-
 licher hette können für augen gestellet werden / dan
 durch den Monatschein. Es seindt auff beyden sey-
 ten gemaldts / das ein die Christlich kirch durch ein
 frawenbildt angezeygt / das ander der Trach oder
 die alte schlang der teuffel auch zu einer bedeutung
 der zeyt.

Also ist dis die beschreibung des mittlers boden
 da auch zwen Löwen stönd die der statt Stras-
 burg Wappen halten / an welcher statt wir etwas
 anders zu setzen / vorhabens gewesen / das auch
 mehr bedeutung gehabt hette / aber etlicher vnges-
 legenheyt halben / die dazumal fürföhlen verblibē /
 vnd dise zwen Löwen / N. 8. an statt gesetzt
 seindt wordē / auch ist auff disem mitler bo-
 den dz Uhrwerck / welches alle die reds
 der h. 2 / die zu dem ganzen werck
 gehörig / vnd die haubt Reds
 der billich genennet
 werden mös

gott.

Von

Von dem obern boden da die vier alter
die viertheil stunden schlagen auch der Todt/
Saluator vnnnd das gesang ist/mit
N. 11. 12. 13. 14.

Das sibende Capittel.

Auff diesem obern bodett / ist ein Radd
darauß die vier alter herum gehn / mit
N. 11. vnd die viertheil stunden schla-
gen / an den Cymbalen / so dahin zu dis-
sem werck vñ thun / derhalbē gehenck
seindt / auch so ist noch ein kleine aufladung vber
diser / mit N. 12. auff welcher der Todt vnd Salua-
tor auff einem Radd gesetzt gehn / vnd der Thodt
die stunden schlecht / auch gleichfals mit Christo
streitet / welches auch mit den alteren dem Thodt
vnd Christo / ein sondere bedeutung vnnnd aufles-
gung hat / wie alle vier alter mit dē Thodt zu strei-
ten haben / aber durch Christum von dem Thodt
erlöset werden / die mǎnglichen leichtlich verstōn-
kan.

Nach diesem oberen bodē so geht der helm an / wel-
cher auch ein bodē inwendig hat / mit N. 13. darauß
die Cimbaleu gesetzt / welche also gerichtet seindt /
durch N. David Wolckensteyn / das sie etliche
Psalmen / vnnnd geistliche geseng lieblich schlagen /
welches zwar von keynem Thremacher verfertis

G

get kan werden/er seie dan ein fürtrefflicher Music⁹
deren wie ich besorg gar wenig zu finden/ auff wel
che hernaher der alte 200 Jährig Hañ zwey mal kre
het / der auff dem Kasten darin das gewicht gehet
gesetzt ist/ vnd sein wie obgemeldt bedeutung hat.

Also haltet sich das werck so in dem Tempel ge
setzet ist/ vnd zu einer anzeygung der bewegnuß vñ
lauff des Himmels / der Sternen/ Planeten/ auch
anweisung der zeit/ Jahr/ Monat/ tag/ stund/ vnd
minuten / mániglichen zu nutz/ vnd einer löblichen
Stat Straßburg zu ehren/ auch dē Tempel zu ei
ner zier vnd wolstandt / von vns auff vnd angeri
chtet ist worden.

Von dem Kasten darinnen das gewicht
geheth mit N. 15. 16. 17. 18. 19. 20.
verzeychnet.

Das achte Capitel.

Dieser Kasten alhie mit disen Numes
ren verzeychnet/ beschleußt das ges
wicht/ so zu dem ganzen Astrono
mischē Uhrwerck gehörig / welcher
damit er nicht läßt stünde on eynt
liche anzeygung der zeit / sonder auch
etwas nutzlich mit vnd in sich hette / so haben wir
vnderschiedliche gemaldt/ daran gemacht / welche
ich jetz anzeygen vnd erklären will.

Wie

Wie oben der Han mit N. 14 verzeichnet steht/
gleich vnd jme ist ein frawēbildt mit N. 15. welches
bild die Disciplinas mathematicas anzeyget/durch
welche solche Astronomische nit allein vhrwerck/
sonder andere kunst beston/vnd ohn welche nichts
künstlich gemacht kan werden.

Vnder disem ist der Colossus oder das bild des
Prophetē Danielis / welcher die vier Monarchey
bedeuten thut/vund wirdt mit N. 16 verzeychnet.
Nach disem auff dem vndersten ist des herrlichen
vñ Gelehrten Mathematici, Nic. Copernici warhafft-
tike abconterfet / N. 7. so mir auß Danzig durch dē
Ehrenfesten vñ hochgelehrten herren Doctor Ti-
deman Gyse zukommen / vund auß dem original
auff dz aller fleyssigst vñ scharpffest durch Tobiam
Stimmer abgemahlet worden/welche gemaldt
wir zu einer sonderen gedechtnus hieher haben se-
zen wollen / dan keines ist/dz nicht sein bedeutung
vñ anzeygung hette/wie dan solches an allen orten
des ganzē Astronomische vhrwercks zu findē ist.

Damit aber kein ort lähr stünde/ sonder an ei-
nem jeden etwas nicht vergeblich/sonder zu einer
gedechtnus zusehen were / so haben wir zu ruck ge-
gen dem Chor an disem kassen drey vnderschydlis-
che frawenbildt mit N. 18. 19. 20. verzeichnet ge-
mahlet / welche bey den Poeten Parca genennet
werden / deren ein jede ein sonderent nammen hat/
als namlich Lachesis die haltet die künckel / Chlotho

G ij

die spinnet/ Atropos die schneidt den faden ab/ dar-
 durch die Poeten die zeit des Menschlich läbens/
 haben wollen anzeygen / wie wir auff diese welt
 kommen/ vnd streben auch werben/ zu letst kompt
 der Todt / der vnserem leben / den faden nimpt vñ
 abschneydt.

Dises vnd dergleichen haben wir an allen orten
 zu anzeigung der zeit an disem Astronomischē vhr-
 werck wollen verzeichnen/ vnd nichts lähr lassen/
 vnd glaub gänzlich das vil seien/ auch deren so tä-
 glich darbey pflegen zu sein/ die diser dreyen bilder
 kein achtung gehabt/ oder nach nicht haben / mag
 sein dz sey solche bedeutung gar nicht verstön / mö-
 chte auch woll der wahrzeychen eins geneñet wer-
 dē/ dardurch mancher befragt würdt/ ob er solches
 vhrwerck gesehen hette/ wie dan solcher wahrzey-
 chen an disem vhrwerck mehr zu finden sindt.

Von den ausseren Vhrwercken so vor dem Tempel gesehen werden.

Das neundte Capitel.

Domit aber ein jeder der solches Astro-
 nomisch vhrwerck ansihet / auch auß-
 serhalb dem Tempel etwas habe zu
 besichtigen/ vnd auch der so das ihne
 nerwerck richtet/ ein directorium des
 wercks / nach dem er sich zurichten hatt/ an der
 handt

handt wisse zu haben/ so findt von mir vnd David
Wolckenstein obē an dem gäbel abgerissen / etliche
Sonnenuhren / auff ein sonder form / darinnen
vil zu sehen ist / neben den gemeinen stunden / als
die Planeten stunden / vnd anders mehr so auß der
Astronomie genommen / vnd vil mühe vnd arbeit
auch kunst hat / welche wenig geachtet / aber von
denen so in der Astronomiey erfahren hoch gehalten
würdt.

Hernaher ein steinen tassel darinnen die zwölff
zeichen seindt gehawen mit Sonn vnd Mons zeis
gerē / darauf man sehen kan nicht allein die stunden
sondern auch Sonn vñ Mons lauff / auch die tag
lenge / mit sampt dē Monschein welcher durch ein
Ronde kugel / so oberhalb über der steinen Tassel
ist / gezeiget würdt.

Also hab ich kürzlich alle vnd jede stück dieses
Astronomischen vhrwerck kürzlich durchgangen /
vnd angezeigt / was fürnemlich darinnen begrif
fen / vnd auch zu sehen seie / bit maniglichen solchen
meinen einfältigen bericht / zu gut auff vnd annem
men / vnd auch zum gutem auflegen / dan ich vmb
besseren verstands willen / solches für mich genom
men hab / zu erklären / vnd auch maniglichen zu be
richten / wie es ein gestalt habe vmb dieses gantzes
werck / vnd eynes jeden stück / auch deren so zu vor
da gewesen / wer die seien die solches anfänglichent
angeben / vnd erfunden haben / was auch ein jeder

G iij

für arbeit daran gethan. Damit aber die Personen so solches verrichtet haben/ mit vund bei ihren namen erkant werden/ will ich solche erzelen.

Die Herren Pfleger meyne G. G. H. seindt
Herz Diebolt Joham von Mundelsheym
Stattmeister.

Herz Michael Liechtensteyger alt Zimmermeister.

Herz Friderich von Gottesheim Dreizehner.

Dise jetz genante Herren / haben die verwaltung in ihren handen von wegen der Obergkeit gehabt/ ich Cunradus Dasypodius hab anfänglich auff meiner G. G. H. befehl dis Astronomisch werck angeben/ vñ in eine visierung meinen G. G. H. wie oben vermeldet fürgelegt/ hernacher zu mir beruffen M. David Wolckenstein/ der mir in anordnüg aller vnd jeder stuck/ so die handwercks leut haben sollen verrichten / trewlich vnd fleissig geholffen hatt/ zum ende vnd verfertigung auß zuführen.

Tobias Stimmer der Mahler hat hohen fleiß angewendt/ vnd in vnserer beider beratschlag vns vil geholffen/ hat zu einem gehülffen gehabt Josiam Stimmer seinen bruder / was für fleiß mühe vñ arbeit auch kunst habe Tobias Stimmer angewendet/ lasset sich in allē stucken vñ nebegemälhden sehen/ fürnemlichen aber in der Kugeln in den dreien scheiben/ vnd in den zweien tafflen der finsternissen.

Isaac Habrecht/ vñ sein bruder Josias Habrecht
gebrüß

gebrüder/ habē anfenglichen des gantz vhrwercks
 sich vnderzogen/ vñ in der verschreibung verspro-
 chen alles was für eysen oder Redder/ vñnd ihr
 handwerck betreffen würdt zu verrichten / aber
 hernacher durch etlicher vngeliegenheit/ so eingefal-
 len/ allein von Isaac Habrecht aufgeführt/ vñ zum
 ende gebracht alles was ein Uhrenmacher an sol-
 chen vhrwerck zuverrichtē hat/ künstlich auch treus-
 wlich seiner zusagung nach vñnd fleissig zum ende
 gebracht.

Sonst seindt auch zu solchem Astronomischen
 vhrwerck gebraucht worden/ neben jetz gemeldeten
 Personen/ die Biltschneider/ der Werckmeister/ der
 Schaffner/ vñnd andere/ welche jedē wol bekandt
 seindt/ deren keiner gewesen/ der nicht trewlich vñ
 fleissig gearbeitet hat / damit solches Astronomisch
 vhrwerck volbracht werde.

Dis seie nun kürzlich von diesem Astronomischen
 vhrwerck erklärung halben gehandelt / bit zu for-
 derst mein G. G. H. ein Ersamen Rath alhie/ mit
 meinem geringen dienst / so ich bewisen ein gnedi-
 glich vernügen vñ gefallen zuhaben/ wie ich mir nit
 anders bewust/ auch nit anders gespürt vñnd erfazē
 hab. Die anderē so dis Astronomisch vhrwerck se-
 hē/ vñ nicht schlechtlich sehē/ sondern mit verstand
 vñ wissenheit der Astronomy/ werdē vernünfftig-
 lich betrachte/ w3 mühe vñ arbeit / nachdenckens
 vñnd erforschung solches erfordert habe/ die aber so
 die

Die leüt entweder auß vnwissenheit oder vngunst
anders berichten dan es ist / laß ich fahren vnd ihn
ihrem vnuerstand vnd mißgunst erstücker als die
so nicht anders wollen sein / dan wie sie sind

Nun mehr da es erfunden auff vnd angerichtet
vnd in sein Ordnung kommen ist / laß ich zu / das
leüt sein werden / die solches vnderstehn nach zu
thun / vñ so nicht durch auß / doch stückweiß für zu
bringen / aber ehe dan dergleichen gesehen war / vñ
für augen gestellt / ist mir wol bewust / das wenig
redt dauon gewesen ist / wie solches vñ dergleichen
Astronomisch werck anzurichten were.

Hiemit wil ich beschliessen / vñ mániglich bitten /
solches mein schreiben / dz ich allein zu einem grund
lichen vnd warhafftigen bericht gethan / vnd nie
mands zu lieb od leid zu gutem verstandt außlegē.

Das ich aber etwas weytleuffiger solches be
schriben / vnd andere stück mit eingefürt hab / ist
nicht allein zu einer warhafftiger beschreybung /
sondern auch zu widerlegung allerhand reden / so
seit her das diß Astronomisch vhrwerck auffge
richtet ergangen / von mir alhie dargethan /
welcher sich an solchē reden vnschul
dig weyst / der wurdet sich mein
schreyben nicht beküm
meren lassen.

¶ N D ¶

Der Kampff des Koraffen vnder der Orglen in Münster zu Straßburg / mit dem Hanen vor 200. Jahren beschriben daselbst/ auff dem Vhrwerck.

Aber muß ich lachen
Sich hant erhebt wilde sachen
Die mag ich wol jehen
Von dingen die sindt geschehen/
Die glichent wol einem narren spiel
Darumb muß ich ervaren vil/
Sich hant erhebt wilde spann/
Die treffent ein sitt den Koraffen ahn/
Die ander seitt den gulden Han
Den do kehnt frawen vndt man/
Der zu Straßburg in der Statt
Vff dem vhrle in dem Münster stah
Der Koraffe meint han ich vernunnen/
Wie er nit also har süg kommen
Das man im solte schmocheit thun/
Er ist gemüget yber das hun
Do handt vil leüt vß gerett/
Vnd handt zwen mit ein ander gewett/
Es werd nit do bey blyben/
Einer würt den andern vertryben/
Den Koraffen duncket in seinem müth
Der Han süg nit jhe vnd süg nit gütt
Die Leüth also zu thörren/

5

Daran wil sich der Han nit kereu
 Er strüßet sich vast vnd ist gahr stoltz/
 Hoch enbar strack do als ein boltz
 Stet er vnd kreget zu allen stunden/
 Vnd samelt vor im gar vil der kunden
 Die ihn zu wunder ahngassen/
 Des ist im von dem Koraffen
 Ein brieff alsus geschrieben/
 Ich hab spricht er mein zit alsus vertriben/
 Das mir by mynen leben
 Nyman kynen intrag hat gegeben
 Dan du allein du Vrloß Han/
 Von dir ich es nit gelyden kan/
 Ich wil anders darzu erdencken/
 Ich sol frylich das dir nit schencken
 Das du mir sollichen intrag düst/
 Es kumpt darzu hoff ich du müst
 Mit andern Hüneren vff der erden
 Snachelen by den acker pferden/
 Vnd din weid anders suchen/
 Darzu wil ich ohn alles flüchen
 Wils Gott bringen ob ich mag/
 Du freygest in dem Münster nimer kein tag.
 Wer bistu antwurt der Han
 Nit wol ich dich gemercken kan/
 Nit wortten stellest du dich vppetlich/
 Lof mich genesen das büit ich dich
 Wie ich sol haben das wesen myn/

Do

Do gebürt dir nit zu tragen ihn/
 Dan zwor es goht dich nütz ahn/
 Wiltu du machst wol ruwe han/
 Her vff als ich han gehört/
 Sint dis des Koraffen wort.
 Wor vmb solt es mich nit an gott
 Ich muß doch hiez zu dienste ston
 Zu pfingsten messen aller welt
 In Stetten vnd landon alles gelt/
 Vnd dis han ich lang zyt getryben/
 Von aller welt byn ich blyben
 Vngehündert dan allein von dir/
 Es mügt mich billichen das glaub mir
 Do sprach der Han dubist höne
 Du vnd ich das sint vnser zwene
 Kündest du als ich kan freygen/
 So möchstu dich wol hohe weygen
 Was meinstu das wüßt ich gern
 Wiltu kriegenß nit enbern/
 Ich soll dir darzu helffen bald
 Affen louffent gern zu wald/
 Do herest du hien e dan har
 Du hest kein rüw du kemest dan dar/
 In kirchen sol kein Affe sein/
 Vil bas enbiertt man din dan myn
 Ob du echt so wyse bist/
 Das du weist was warheit ist.
 Der Koraffe bald hin wider sprach

h ij

So hübsch ich nie kynen gesah
 Ich truwet im geben wort vmb wort/
 Du geborest recht als hastu nie gehort
 Von mir singen oder sagen/
 Du bist villeicht von jungen tagen
 Das du mich nit kenneest recht
 Weistu du nit das ich bin ein knecht
 Der Statt von Straßburg bin eracht/
 Ich hab manigen thoren gemacht
 Von Burgeren vnnnd auch von Buren
 Jo yemmer müß ich do von truren
 Solstu mir einen intrag thun/
 Du bist noch nit ein jährig hun/
 Vnd nymst dich hößfelichs freygend an/
 Ich sag dir du vrles Han/
 Ich kan vnd mag dir das nit gestatten/
 Müß ich zichen oder rattzen/
 Dar zu jehestu du sigest besser dan ich/
 Entwichestu nit balde sicherlich
 Es möcht dir woll werden leit/
 Hie mit so süg dir genüg geseit.
 Der Han ward von zorn grim
 Von luttem freigen ließ er ein stim/
 Lügent zu dem grossen toren
 Wie kan er so hößfelichen geboren/
 Sprach der Han mich wundert ser
 Hastu behalt semliche ere/
 Das du wol kanst narren machen/

Das

Das mocht ich sicher wol gelachen/
 Hett ich anders nit zuschaffen
 Man schiltet dich billich den Koraffen
 Hab ruw lieber vnd lo dervon
 Du lost mich wol bey dir in dem Münster ston/
 Bystu der von Straßburg knecht/
 So bin ich stolz vnd kobelecht/
 Den drigen Künigen sol ich dienen/
 Vnd darzu manigen machen gienen/
 Das jm offen blibt ston das mul
 Nit wen/ das ich süg so ful/
 So man narren machen sol/
 So kan ichs bas dan du oder als wol/
 Das weiß nun wol jeder man
 Der sicherlich mirs het gesehen an/
 Siest du Han vñ meinen eytt
 Lof dirs nun genügsin geseit.
 So sprach der Koraffe widerumb do
 Min mütt würt mir nyemer fro/
 Solt ich in dem Münster wissen dich
 Verlop wolt e nemmen ich
 Von mynem dienst gegen der Statt/
 Die mich so lang gezogen hat/
 £ ich dich by mir woltte dulden/
 Wiltu nit anders du macht beschuldett
 Vmb mich das beste das ist der todt
 Das tröst ich dich symer boz kott.
 Was darffstu schweren sprach der Han
 H iij

Wenig gib ich vmb dinen span
 Wiltu über ein mit mir kriegen
 Ich muß villicht nab zu dir fliegen
 Vnd dich bas vnd recht beschouwen/
 Du machest mich zornig mit dinē trauwē/
 Das ich zu dir flüg in kürzer frist
 ꝛ du von leder zucken bist/
 So wil ich by rechtem namen
 Dir din augen vß küppen vnd kramen/
 Das du wenest blint wesen/
 Villicht lost du mich dan genesen
 Do dise rede also lüttbrecht ward
 Hie vmb vnd in diser art
 Do fürent zu ettliche lütt
 Vnd johent zwor es zimet nüt/
 Das man schwig zu disen spennen/
 Man sol gedenden das sie dennen
 Vnd bald ab werdent getragen/
 Vnd spricht man also hör ich sagen
 Das man fryden wol müg hoffen
 Das man zwysten in wol mag machen
 Die das getruwent der sint vil/
 Vnd darzu ist gesetz ein ziel
 Man jecht man hebent bede gelossen
 Als vff den Scharwechter genossen
 Der do gegen der pfalzen stott
 Als man die oberstrop vß goht
 Der soll die sachen vß sprechen/

Spot

Spot in der nacht zu den zehen
 Die durch den Scharwacht geschiecht
 Vnd wie sie durch in werden geriecht
 By dem soltent sües blyben lon
 Vnz aber schinet ein nuwer Mon
 Ist dis nit wor so hat herz Voltz
 Den man nent den bloch holz
 Min gespott das weis ich wol
 Den man für den erkennen sol
 Der des sin truw an eines diebes statt
 Offentlich dar vmb gegeben hatt.

LENDLE.

Gedruckt zu Straßburg bey Nicolaus
 Wyrriot 1580.



Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

08. Feb. 1983

